



册府元龟
卷之百十六
至十八



13
849
41



冊 4 3
849
41



冊府元龜

淮南李嗣京參閱

西極文翔鳳訂正

豫章黃國琦較釋

帝王部

一百十六

親征

夫大刑用甲兵蓋所以威不軌而昭文德也若乃總
一字內爲之司牧禮樂征伐繇我而出居上以制下
如臂之使指其或四夷內侮敵國交侵乃舉薄伐之
師申誕告之命躬擐甲冑親董士衆執殳前驅罔敢

冊府元龜

帝王部

卷之二十一

不率班師飲至竝修舊典固足以奮揚武烈丕赫天
聲攘除寇讐大庇生聚古先哲王保民之意其繇是
矣復有憑恃兵力窺覷神器聚黨以爭命專祿以周
旋負固不恭侵敗王畧恣蛇豕之薦食陷黎庶於匪
人則必赫然發怒龔行天討櫛沐風雨蒙犯霜露濡
足以救民一戎而靖亂蓋一人橫行於天下武王之
恥也若乃勞人而動衆略內以勤遠爭尋嘗而翫鋒
鏘涉傲塞而露威靈斯亦異乎文告威讓干羽懷徠
之旨也

黃帝既代神農氏為天子天下有不順者黃帝從而

征之臣欽若等曰黃帝未即位前與炎帝及蚩尤戰事具帝王創業門平者去之披

山通道披亦作陂又作設旁其邊之謂也未嘗寧居東至於海登九

山九作凡在郎邪朱虛縣及岱宗西至于空同山名在隴右登雞頭

南至於江登熊湘熊山在石凌湘山在長沙北逐葷粥合符金山

而邑於涿鹿之阿遷徙往來無嘗處以師兵為營衛

唐堯之時有苗氏處南蠻不服堯征而克之于丹水

之浦

夏啓既即天子位有扈氏不服扶風郿縣是扈國啓伐之大

戰於甘甘有扈氏南郊地名將戰作甘誓乃召六卿申之天子六軍

其將皆命卿也啓曰嗟六事之人各有軍事故曰六事予誓告女有扈

氏威侮五行怠棄三正

五行之德王者相承所取法有扈與夏同姓親侍而不恭

則是威虐侮慢五行怠惰棄廢天地人之正道

天用勦絕其命

用失其道故勦截也

謂滅今予惟恭行天之罰

恭奉也言欲截絕之

左不攻于左女

不恭命

左車左左方主射政治也

右不攻于右女不恭命

右車右勇力之

以退敵

御非其馬之政女不恭命

御以正馬為政三有失皆不奉

我用命賞于祖

天子親征必載遷廟之祖主行有功則賞祖主前示不專也

弗川

命戮于社

天子親征又載社主謂之社事不用命奔北者則戮之於社主前也

予則孥

戮女

孥子也女身辱及女子言取累也

遂滅有扈氏天下咸服

周文王之時阮徂共三國犯周文王伐之故皇矣之

詩曰密人不恭政距大邦侵阮徂共

阮有密須氏阮遂往侵共

須之人乃敢距其義兵違正道是不直也

王赫斯怒爰整其旅以按

以篤周祜以對於天下

文王赫然與其群臣盡怒曰整其軍旅而出以却止徂國

之兵衆以厚周當王之福以答天下鄉周之望

成王卽政

謂周公歸政於王

淮夷奄國叛王親征之既伐淮

夷遂踐奄

奄國在淮夷之北踐亦作踐

遷其君薄姑

齊地

漢高帝五年九月利幾反帝自擊破之利幾者項羽

將羽敗利幾為陳令降帝侯之潁川帝至雒陽舉通

侯籍召之而利幾恐反

時晉名通侯而利幾自以項羽故恐懼而反也

七年十月韓王信反帝自將擊之於銅鞮斬其將信

亡走匈奴與其將曼丘臣王黃

姓曼丘名臣

共立故趙後

趙利為王收信散兵與匈奴共距漢帝從晉陽連戰乘勝逐北至樓煩會大寒士卒墮指者什二三遂至

平城為匈奴所圍七日用陳平祕計得出

陳平使畫工圖美人

間遣人遺闕氏云漢有美女如此今皇帝困危欲獻之闕氏畏其奪已寵因謂單于曰漢天子亦有神靈得其土地非能有也於是匈奴開其一角得突出以計鄙陋故祕不傳

十年九月代相國陳豨反帝曰豨為吾使甚有信代地吾所急故封豨為列侯以相國守代今乃與王黃等劫掠代地吏民非有罪也能去豨黃來歸者皆舍之帝自東至邯鄲喜曰豨南據邯鄲而北阻漳水吾知其亡能為矣趙相周昌奏恒山二十五城亡其二

十城請誅守尉

守郡守尉郡尉

帝曰守尉反乎對曰不帝曰

是力不足亡罪乃令周昌選趙壯士可令將者白見

四人

謂白於天子而名見之

帝嫚罵曰

嫚溲汗也

豎子能為將乎四

人慙皆伏地帝封各千戶以為將左右諫曰從入蜀

漢伐楚賞未徧行今封此何功帝曰非汝所知陳豨

反趙代地皆豨有吾以羽檄徵天下兵未有至者

檄者

以木簡為書長尺二寸用徵名也其有急事則加以鳥羽插之示疾速也

今計惟獨邯鄲

中兵耳吾何愛四千戶不以慰趙子弟皆曰善又求

樂毅有後乎得其孫叔討之樂鄉號華成君問豨將

皆故賈人帝曰吾知與之矣

真如也言能如之何也

乃多以金

購稀將購設賞稀將多降獨趙將利守東垣帝攻之不下卒罵帝怒城降卒罵者斬之

十一年七月淮南王英布反帝赦天下死罪以下皆令從軍徵諸侯兵帝自將以擊布十七年十月遇於蕪西會爽布兵精甚帝乃壁庸城望布軍置陳如項籍軍帝惡之與布相望見諭謂布何苦而反布曰欲為帝耳帝怒罵之遂破布軍布走度淮數止戰不利與百餘人走江南為番陽人殺之於茲鄉

後漢光武建武二年八月帝自將征五較臣欽若等曰五較賊帥高扈屬魏郡內黃大破五較於蕩陽降之九月

壬戌至自內黃

三年閏正月乙未征西大將軍馮異與赤眉戰於嶠

底嶠山名底後也一名嶽岑山在今雒陽永寧縣西北大破之餘眾南向宜陽

帝自將征之己亥幸宜陽甲辰親勒六軍大陳戎馬

吳漢精卒當前中軍次之驍騎武衛分陳左右赤眉

望見震怖遣使乞降丙午赤眉君臣面縛奉高皇帝

璽綬傳國璽是秦始皇帝初定天下所刻其玉出藍田山丞相李斯所書其文曰受命于天既壽永

昌高祖至霸上秦王子嬰獻之至王莽篡位就元后求璽不與以威逼之乃出璽投地上螭一角缺及莽

敗李松持璽詣宛上更始更始取璽入赤眉劉盆子既敗以奉光武詔以屬城門較尉

戊申至宜陽

三月帝自將征鄧奉幸堵陽四月大破奉於小長安
 斬之五月己酉還宮初秦豐據黎丘董欣起堵鄉許
 耶起杏帝遣吳漢伐之漢軍所過多侵暴時破虜將
 軍鄧奉謁歸新野怒吳漢掠其鄉里遂反擊破漢軍
 獲其輜重屯據滄陽與諸賊合從大將軍岑彭破杏
 降欣耶遷征南大將軍復遣朱祐賈復及建威大將
 軍耿弇漢中將軍王嘗武威將軍郭守越騎將軍劉
 宏偏將軍劉嘉耿植等與彭并力討鄧奉先擊堵鄉
 而奉將萬餘人救董欣欣奉皆南陽精兵彭等攻之
 連月不尅帝自將南征至葉董欣別將將數千人遮

道車騎不可得前彭奔擊大破之帝至堵陽鄧奉夜
 逃歸滄陽董欣降彭復與耿弇賈復及積弩將軍傅
 俊驕都尉臧宮等從追鄧奉於小長安帝率諸將親
 戰大破之奉追急乃降帝憐奉舊功臣且釁起吳漢
 欲全宥之彭與耿弇諫曰鄧奉背恩反暴師經年致
 賈復傷痍朱祐見獲陛下既至不知悔善而親在行
 陳兵敗而降若不誅奉無以懲惡於是斬之奉者西
 葉侯鄧晨之兄子也車駕引還

五年三月平狄將軍龐萌反殺楚郡太守孫萌而東
 附董憲六月與蘇茂圍桃城

正城有桃聚在
 今兗州縣北

帝時幸

蒙因自將征之徵蓋延與大司馬吳漢漢中將軍王
嘗前將軍王梁捕虜將軍馬武討虜將軍王霸等會

任城理兵乃救桃城大破萌等七月進幸胡陵屬山陽在

兖州方征董憲又幸蕃遂攻董憲於昌慮古邾國之

縣東大破之邑也在滕

八月己酉進幸邾在今下邳縣東北初憲聞帝自討龐萌乃

與劉紆蘇茂佼彊去下邳還蘭陵使茂彊助萌合兵

三萬急圍桃城帝時幸蒙臣欽若等曰蒙今亳州縣聞之乃留

輜重自將輕騎三千步卒數萬晨夜馳赴師次任城

去桃鄉六十里旦日諸將請進賊亦勒兵挑戰帝不

聽乃休士養銳以挫其鋒城中聞車駕至衆心益固

時吳漢等在東郡馳使召之萌等乃悉兵攻城二十

餘日衆疲困而不能下及吳漢與諸將到乃率衆軍

進桃城而帝親自搏戰大破之萌茂彊夜棄輜重逃

奔董憲乃與劉紆悉其兵數萬人屯昌慮自將銳卒

拒新陽帝先遣吳漢擊破之憲走還昌慮漢進守之

憲恐乃招誘五較餘賊步騎數千人屯晉陽去昌慮

三十里帝至蕃去憲所百餘里諸將請進帝不聽知

五較乏食當退勅各堅壁以待其弊頃之五較糧盡

果引去帝乃親臨四面攻憲三日復大破之衆皆奔

散遣吳漢追之倭彊將其衆降蘇茂奔張步憲及龐
 萌走繒山數日吏士聞憲尚在復往往相聚得數百
 騎迎憲入郟城吳漢等復攻拔郟憲與龐萌走保駒
 劉紆不知所歸軍士高扈斬其首降梁地悉平十月
 幸臨淄今青州縣進幸劇縣在青州壽光縣南故純國城也張步斬蘇茂
 以降齊地平初步據瑯邪聞帝將攻之以其將費邑
 爲濟南王屯歷下建威大將軍耿弇破斬費邑進拔
 臨淄步以弇兵少遠客可一舉而取乃悉將其衆攻
 弇於臨淄步兵大敗弇奔劇帝自幸劇步退保平壽
 蘇茂將萬餘人來救弇茂讓步曰以南陽兵精延岑

善戰而耿弇走之大王本何就攻其營旣呼茂不能
 待邪步曰負負不可言者帝乃遣使告步茂能相斬
 降者封爲列侯步遂斬茂使奉其首降步三弟各自
 繫所在獄皆赦之封步爲安丘侯後與家屬居雒陽
 王闔亦詣劇降

八年四月隗囂攻來歙不能下閏月帝自征囂河西
 太守竇融率五郡太守與車駕會高平隴右潰隗囂
 奔西城遣大司馬吳漢征南大將軍岑彭圍之進幸
 上邽不降命虎牙大將軍蓋延建威大將軍耿弇攻
 之潁川賊盜寇沒屬縣河東守兵亦叛京師騷動八

月帝自上邽晨夜東馳九月乙卯車駕還宮庚申帝
自征潁川盜賊皆降初來歙從山道襲得雒陽城隍
囂出不意懼更有大兵乃使王元據隴坻行巡守番
須口王孟塞鷄頭道牛邯軍瓦亭囂自悉其大眾圍
來歙公孫述亦遣其將李育田弇助囂攻略陽連月
不下帝乃率諸將西征之數道上隴使王遵持節監
大司馬吳漢留營於長安

十一年六月中郎將來歙破公孫述將王元環安於

下辨縣名今成州同谷縣安遣間人刺殺歙帝自將征公孫述

七月次長安八月岑彭破述將侯丹於黃石輔威將

軍臧宮與公孫述將延岑戰於沈水大破之王元降
帝至自長安

魏文帝黃初三年十月帝自許昌南征孫權諸軍竝

進權臨江拒守五年七月帝為水軍觀御龍舟循蔡

潁浮淮幸壽春九月遂至廣陵望大江曰彼有人焉

未可圖也乃還是歲吳黃武二年

六年八月帝以舟師自譙循渦入淮從陸道幸徐十

月次廣陵故城臨江觀兵戍卒十餘萬旌旗彌數百

里有渡江之志孫權嚴設固守時大寒冰舟不得入

江帝見波濤洶涌嘆曰嗟乎固天所以隔南北也乃

引還

明帝青龍二年五月孫權入居灤湖口向合肥新城
又遣將陸議孫韶各將萬餘人入淮沔征東將軍滿
寵進軍拒之七月壬寅帝親御龍舟東征權攻新城
將軍張穎等拒守力戰帝軍未至數百里權遁走議
韶等亦退羣臣以為大將軍司馬宣王也方與諸葛亮相
持未解車駕可西幸長安帝曰權走亮膽破大將軍
足以制之吾無憂矣遂進軍幸壽春錄諸將功封賞
各有差八月己未大耀兵饗六軍遣使者持節犒勞
合肥壽春諸軍辛巳還計昌宮

高貴鄉公甘露二年五月征東大將軍諸葛誕反詔

曰諸葛誕造為凶亂盪覆揚州昔黥布逆反漢祖親

戎隗囂違戾光武西伐及烈祖明皇帝躬征吳蜀臣

若等曰明帝太和二年蜀將諸葛亮寇邊帝遣大將軍曹真右將軍張郃等擊破之帝至長安而還皆

所以奮揚赫斯震耀威武也今宜皇太后與朕暫共

臨戎速定醜虜時寧東夏七月大將軍司馬昭奉天

子及皇太后東征徵兵青徐荆豫分取關中遊軍皆

會淮北師次於項假廷尉何植節使淮南宣慰將士

申明逆順示以誅賞

三年二月大將軍陷壽春城斬諸葛誕

後魏道武皇始元年八月庚寅治兵於東郊己亥大
舉討僞燕慕容寶帝親勒六軍四十餘萬南出馬邑
踰於勾注旌旗絡繹經二十餘里鼓行而前民屋皆
震別詔將軍封真等三軍從東道出軍都襲幽州圍
薊九月戊午次陽曲乘西山臨觀晉陽命諸將引騎
圍脇已而罷還寶并州牧遼西王農大懼將妻子棄
城夜出遁并州平

二年正月慕容寶遣賀麟寇陽城殺恒山守兵三百
餘人招募郡縣群望無賴者當應之二月己亥朔帝
進幸陽城丁丑軍于鉅鹿之栢肆塢臨滹沱水其夜

種三十餘部獲七萬餘口馬三十餘萬匹牛羊百四
十餘萬騾騎大將軍衛王儀督三萬騎別從西北絕
漠千餘里破其遺迸七部獲二萬餘口馬五萬餘匹
牛羊二十餘萬頭高車二十餘萬乘并服玩諸物還
次牛川及薄山竝刻石記功班賜從臣各有差
五年五月僞秦姚興遣其弟安北將軍義陽公平率
衆四萬來侵平陽乾壁爲平所陷六月治兵於東郊
部分衆軍詔鎮西大將軍毗陵王順長孫肥等三將
六萬騎爲前鋒七月戊辰朔車駕西討八月乙巳至
於柴壁平固守進軍圍之姚興悉舉其衆來救子

帝渡蒙坑逆擊興軍大破之十月平赴水而死俘
餘衆二萬餘人獲興征虜將軍尚書右僕射狄伯
越騎較尉唐小方積弩將軍姚梁國建忠將軍雷
康官北中郎將康猥平從弟伯禽已下四品將軍
上四十餘人獲先亡臣王次多靳懃竝斬以徇興
請和帝不許羣臣勸進平蒲坂帝慮蠕蠕爲難戊申
班師

明帝永興元年十二月蠕蠕犯塞二年正月詔南平
公長孫嵩等伐之五月嵩等自大漠還蠕蠕追圍之
於牛川壬申帝北伐蠕蠕聞而遁走七月乙丑至自

寶悉衆犯營燎及行宮兵人駭散帝驚起不及衣冠
跣出擊鼓俄而左右及中軍將士稍稍來集帝設奇
陣列烽營外縱騎衝之寶衆大敗斬首萬餘級擒其
將軍高長等四十餘人明日寶走中山獲其器仗輜
重數十萬計寶尚書閔亮秘書監崔逞太嘗孫沂殿
中侍御史孟輔等竝降三月己酉帝次于盧奴寶遣
使求和請送元觚割恒山以西奉國乞守中山以東
許之已而寶背約辛亥帝次中山命諸將圍之于子
夜寶將妻子及兄弟宗族數千騎北遁城內共立慕
容普隣爲主七月寶弟賀麟入中山殺普隣而自立

帝還幸魯口遣將軍長孫肥七千騎襲中山入其郭而還八月丙寅朔帝自魯口進軍恒山之九門九月賀麟飢窮率三萬餘人出寇新市甲子晦帝進軍討之十月甲戌帝臨其營戰於義臺塢大破之斬首九千餘級賀麟單馬走西山遂奔鄴慕容德殺之甲申其所署公卿尙書將吏士卒降者二萬餘人中山平天興二年正月庚午帝北巡分命諸將大襲高車大將軍恒山王遵等三軍從東道出長川鎮北將軍高源樂真等七軍從西道出牛川帝親勒六軍從中道自駁髡水西北出二月丁亥朔諸軍同會破高車雜

北伐

太武始光元年十二月遣平陽王長孫翰等討蠕蠕帝次祚山蠕蠕北遁諸軍追之大獲而還

二年正月己卯帝王自北伐是秋蠕蠕犯塞

神瑞元年十二月丙戌朔蠕蠕犯塞丙申帝北伐蠕蠕

二年正月丙辰至自北伐十月帝北伐平陽長孫翰等絕漠追之蠕蠕北走

三年正月己卯帝至自北伐是年九月帝以僞夏赫連屈丐旣死諸子相攻遣司空奚斤率義兵將軍封

禮雍州刺史延普襲蒲宋兵將軍周幾率維州刺史于栗磾襲陝城十月丁巳帝西伐幸雲中臨君子津會天暴寒數日冰結十一月戊寅帝率輕騎二萬襲赫連昌壬午至其城下徙萬餘家而還至祚山班所虜獲以賜將士各有差奚斤奉至蒲坂昌守將赫連乙斗棄城西走昌弟助興守長安乙斗復與助自長安西走安定奚斤遂入蒲城十二月詔斤西據長安秦雍氏羌皆叛昌詣斤降

四年正月乙酉帝至自西伐是月赫連昌遣其弟平原公定率衆二萬向長安四月帝治兵講武分諸軍司徒長孫翰廷尉長孫道生宗正娥清三萬騎爲前驅恒山王素太僕丘推將軍元太毗步兵三萬爲後繼南陽王伏真執金吾桓貸將軍姚黃眉步兵三萬部攻城器械將軍賀多羅精騎三千爲前候五月帝西討赫連昌辛巳濟君子津三城胡酋鵠子相率內附帝次援鄰山築城舍輜重以輕騎三萬先行戊戌至于黑水帝親祈天告祖宗之靈而誓衆焉六月甲辰昌引衆出城大破之昌將麾下數百騎西南走奔上邽諸軍乘勝追至城北死者萬餘人臨陣殺昌弟河南公滿及其兄子蒙遜會日暮昌尚書僕射呂至

拔城夜將昌母出走乙巳帝入城虜昌羣弟及其諸
母姊妹妻妾宮人萬數府庫珍寶車旗器物不可勝
計擒昌尚書王賈薛超等及晉將毛脩之秦雍人士
數千人獲馬三十餘萬匹牛羊數千萬以昌宮人及
生口金銀珍玩布帛班賚將士各有差昌弟平原公
定拒司空奚斤於長安城娥清率騎五千討之西走
上邽辛酉班師留恒山王素執金吾桓貸鎮統萬八
月壬子帝至自西伐飲至策勳告於宗廟班軍實以
賜留臺百僚各有差

神慶元年八月蠕蠕大檀遣子將萬餘騎入塞

二年四月庚寅帝北伐以太尉北平王長孫嵩衛廣
陵公樓伏連留守京師從東道與長孫翰等期會於
賊庭五月丁未次于沙漠舍輜重輕騎兼馬至溧水
蠕蠕震怖焚燒廬舍絕跡西走七月車駕東轅至黑
山較數軍實班賜王公將士各有差八月帝以東部
高車屯已尼陂詔左僕射安原率騎萬餘討之十月
振旅凱旋於京師告於宗廟列置新民於漠南東至
濡源西暨五原陰山竟三千里中詔司徒平陽王長
孫翰尚書令劉潔左僕射安原侍中古弼鎮撫之
又云
帝親御六軍畧地廣漠分命諸將窮追蠕蠕東至瀚
海西接張掖北度燕然山大破之虜其種落及馬牛

雜畜方物萬計其後復遣成周公萬度歸西伐焉耆王鳩尹單那單騎龜茲舉國臣民負錢懷貨一時降款獲其奇寶異玩以巨萬駝馬雜畜不可勝數度歸遂入龜茲復獲其殊方奇詭之物億萬以上是時方隅未尅帝屢親戎駕而委政於恭宗真君恭宗下令修農政之教比後數年之中軍國用足矣

三年九月甲辰行幸統萬遂攻平涼十一月乙酉帝至平涼初赫連定將數萬人東禦於鄜城留其弟上谷公杜于廣陽公度雜孤城守帝至平涼登北原使赫連昌招喻之杜于聞之棄鄜城入于安定帝率步騎二萬從鶉觚原將救平涼與弼相遇弼擊之殺數千人乃還走詔諸軍四面圍之丁酉定乏水引衆下原詔武衛將軍丘春擊之定衆大潰死者萬餘人定

中重創單騎遁走獲定弟丹陽公烏視拔武陵公禿骨及公侯百餘人是日諸將乘勝進軍遂取安定定從兄東平公乙斗棄城奔長安劫掠數千家西奔上邽已亥帝幸安定獲乞伏熾槃子資及定車旗簿其生口財畜頒賜將士各有差庚午帝自安定還臨平涼遂掘塹圍守之行幸細城安慰初附赦秦雍之民賜復七月定隴西守及將士數十人來降十二月丁卯定弟杜于度雜孤面縛出降平涼收其珍寶定長安臨晉武功守皆奔走關中平壬申帝東遷留巴東公延晉等領安定

四年正月壬午帝次於木根山大饗羣臣賜布帛各有差二月癸酉還宮飲至策勳告於宗廟賜留臺百官各有差

延和元年五月大簡輿於南郊將討僞燕馮文通六月庚寅帝伐和龍詔尚書左僕射安原等屯於漠南以備蠕蠕七月己未帝至濡水庚申遣安東將軍玄城公奚斤發幽州民及密雲丁零萬餘人運攻具出南道俱會和龍帝至遼西文通遣其侍御史崔聘奉獻牛酒己巳帝至和龍臨其城文通石城太守李崇建德太守王融十餘郡來降發其民三萬人穿圍塹以守之

八月甲戌文通使數萬人出城挑戰昌黎公元丘與河間公元齊擊破之死者萬餘人文通尚書高紹率萬餘家保羌胡固乙卯帝討紹辛巳斬之詔平東將軍賀多羅攻文通帶方太守慕容玄於候固撫軍大將軍永昌王健攻建德驃騎大將軍樂平王丕攻冀陽皆拔之虜獲生口班賜將士各有差九月乙卯帝西還徙營丘城固遼東樂浪帶方玄菟六郡民三萬家于幽州開倉以賑之十月癸酉至濡水十一月乙巳至自伐和龍

三年七月行幸美稷遂至隰城命諸軍討山胡白龍於西河九月戊子尅之斬白龍及其將帥屠其城十月甲午破其餘黨于王京詔山胡爲白龍所逼及歸降者聽爲平民諸與白龍同惡斬數千人虜其妻子班賜將士各有差十一月還宮

大延四年七月壬午帝北伐蠕蠕十月乙丑大饗六軍十二月丁巳至自北伐

五年六月甲辰帝西討沮渠牧犍侍中宏都王穆壽輔皇太子決留臺事大將軍長樂王稽敬輔國大將軍建寧王崇二萬人屯漠南以備蠕蠕七月乙巳帝

至上都屬國城大饗羣臣講武馬射壬午留輜重分部諸軍撫軍大將軍永昌王建尙書令鉅鹿公劉濬督諸軍與恒山王素二道竝進爲前鋒驃騎大將軍樂平王丕太宰陽平王杜超督平涼鄜城諸軍爲後繼八月甲午永昌王建獲牧犍器甲及牛馬畜產二十餘萬牧犍遣弟董來率萬餘人拒戰於城南望塵退走丙申帝至姑臧牧犍兄子祖踰城來降乃分軍圍之九月丙戌牧犍兄子萬年率麾下來降是日牧犍與左右文武五千入面縛待以藩臣之禮收其城內戶口二十餘萬倉庫珍寶不可勝計進張掖公禿

髮保周爵爲王與龍驤將軍穆羆安遠將軍源賀分
略諸郡雜人降者亦數十萬收犍弟張掖太守宐得
燒倉庫西奔酒泉樂都太子安周奔吐谷渾遣鎮南
將軍奚眷討張掖遂至酒泉牧犍弟酒泉太守無諱
及宐得復奔晉昌使七湯公元潔守酒泉鎮北將軍
封杏討樂都掠數千家而還班賜將士各有差十月
辛酉帝東還徙涼州民三萬餘家於京師留驃騎大
將軍樂平王丕征西將軍賀多羅鎮涼州十二月壬
午帝至自西伐飲至策勳告於宗廟

太平真君四年九月行幸漠南甲辰拾轡重以輕騎
襲蠕蠕分軍爲四道十一月甲子帝還十二月辛卯
至自北伐

九年六月悅般國遣使求與王師俱討蠕蠕帝許之
八月詔中外諸軍戒嚴九月乙酉練兵于郊丙戌幸
陰山十二月至受降城不見蠕蠕因積糧城內留守
而還
十一年正月戊辰朔帝在漠南大饗百寮甲戌蠕蠕
吐賀真懼遠遁三月庚寅帝還宮
九月閱武於石磧帝遂北伐十月庚子皇太子及羣
官奉迎於行宮十一月戊申至自北伐

十二年七月宋將王玄謨攻滑臺八月練兵於西郊
九月辛卯帝南伐癸巳皇太子北伐屯于漠南吳王
餘留守京都十一月乙丑帝濟河玄謨棄軍而走乃
命諸軍分道竝進車駕自邛道十二月丁卯帝至淮
詔刈萑葦作筏數萬而濟淮南皆降癸未帝臨江起
行宮於瓜步山諸軍同日皆臨江所過城邑莫不望
塵奔潰其降附者不可勝數甲申宋文帝使獻百牢
貢其方物又請進女於皇孫以求和帝以師婚非禮
許和而不許婚使散騎侍郎夏侯野報之帝詔皇孫
爲書致馬通問焉

正平元年正月丁亥帝廻三月己亥至自南伐飲至
策勳告於宗廟

獻文皇興四年八月蠕蠕犯塞九月丙寅帝北伐諸
將俱會于安水大破虜衆壬申帝至自北伐飲至策
勳告於宗廟

孝文延興二年二月蠕蠕犯塞太上皇帝次於北郊
詔諸軍討之虜遁走其別帥阿大千率千餘落來降
東部勅勒叛奔蠕蠕太上皇帝追之至石碛不及而
還十月蠕蠕犯塞及于五原十有一月太上皇帝親
討之將度漠襲擊蠕蠕聞軍至大懼北走數千里以

窮寇遠遁不可追乃止

三年七月宋後廢帝遣將寇緣淮諸鎮十月太上皇
帝將南討詔州郡之民十丁取一以充行戶收租五
十石以備軍糧十一月南巡至于懷州

四年二月至自南巡

太和十七年六月丙戌帝南伐齊國詔造河橋七月
戊午中外戒嚴八月丁亥帝辭永固陵己丑發京師
南伐步騎百餘萬大尉丕奏請以宮人從詔曰臨戎
不語內事宐停來請壬寅至肆州戊申至并州庚午
至雒陽丙子詔六軍發軫丁丑戎服執鞭御馬而出

羣臣稽顙於馬前請停南伐帝乃止定遷都之計

十八年十二月辛亥帝南伐戊辰至懸瓠

十九年正月癸酉詔禁淮北之民不得侵掠犯者以
大辟論壬午講武於汝水之西大賚六軍己亥濟淮
二月丙辰至鍾離辛酉發鍾離將臨江水壬戌乃詔

班師

二十一年五月癸卯遣使冀定瀛相濟五州發卒五
十萬將以伐齊丁卯部分六師以定行留八月丙辰
詔中外戒嚴庚辰帝南討辛丑留諸軍將攻赭陽引
師而南癸酉至宛城夜襲其郭尅之丁未帝發南陽

留太尉咸陽王禧前軍元英攻之己酉至新野十月
丁巳四面進攻不尅詔左右軍築城圍以守之十一
月丁酉大破齊軍於河北獲其將軍王伏保等於是
民皆復業九十巳上假以郡守六十五巳上假以縣
令新野張曙柵萬餘家拒守不下十有二月庚寅破
之俘斬萬餘庚午帝臨沔東遂巡沔東還戊寅還新
野巳卯親行營壘隱恤六軍詔流徙之囚皆勿決遣
候登城之際令其先鋒自效

二十二年正月癸未朔朝饗羣臣於新野行宮丁亥
拔新野獲齊輔國將軍新野太守劉忌斬之於宛戊
子齊湖陽戍主蔡道福棄城遁走辛卯齊赭陽戍主
成公期軍主胡松棄城遁走壬辰齊輔國將軍舞陰
戍主黃瑤起及直閣將軍臺軍主鮑舉南鄉太守席
謙相尋遁走瑤起鮑舉爲軍人所獲送庚戌行幸南
陽二月乙卯進攻宛北城甲子拔之齊冠軍將軍南
陽太守房伯玉面縛出降庚午幸新野辛未詔以穰
民首歸大順終始若一者給復三十年標其所居曰
歸義鄉次降者給復十五年三月壬午朔大破齊平
北將軍崔惠景黃門郎蕭衍軍於鄧城斬獲首虜二
萬有餘庚寅行幸樊城觀兵襄沔耀武而還曲赦二

荆魯陽郡鎮南王肅攻齊義陽齊遣將裴叔業寇渦陽乙未詔將軍鄭思明嚴虛敬宇文福等三軍繼援辛丑行幸湖陽乙未次北陽戊申詔荊州諸郡之初降次附復同穰縣辛亥行幸懸瓠四月庚午發州郡兵二十萬人限八月終旬集懸瓠七月齊主死其子東昏侯立九月己亥帝以禮不伐喪乃詔反旆庚子仍將北伐叛虜丙午發懸瓠十一月辛亥幸鄴十有二月甲寅乃詔班師

二十三年正月齊遣太尉陳顯達寇荊州二月乙酉攻陷馬圈戊三月庚辰帝南伐癸未次梁城甲申以順陽被圍危急詔振武將軍慕容平城率騎五千赴之丙戌帝不豫司徒彭城王勰侍疾禁中且攝百揆丁酉至馬圈詔鎮南大將軍廣陽王嘉斷均口邀顯達歸路戊戌頻戰破之其夜顯達及崔惠景曹虎等宵遁己亥收其戎資億計班賜六軍諸將追奔及於漢水斬獲及赴水而死者十八九斬齊左軍將軍張于達等賊將蔡道福成公期率數萬人棄順陽遁走孝明孝昌二年五月丁未帝將北討內外戒嚴時景雲鎮人杜維周反於上谷攻沒郡縣南國燕州刺史崔秉棄城南走朔州城人鮮于河胡庫狄豐樂據城

反都督李琚次于薊城之北又為雒周所敗帝將親征以驃騎大將軍開府齊王寶寅為北討都督三年正月以四方未平詔內外戒嚴將親出討二月虜賊潼關三月甲子詔將西討中外戒嚴虜走復潼關戊辰詔將廻駕北討詔金紫光祿大夫源子邕大都督討葛榮

莊宗建義元年六月巳酉詔曰朕當親御六戎掃淨

燕代

討葛榮也

大將軍太原王爾朱榮率精甲十萬為左

軍上黨王天穆摠衆八萬為前軍司徒公楊椿勒兵十萬為右軍司空穆紹統率八萬為後軍是月葛榮

衆退屯相州之北九月爾朱榮討平之車駕不行

出帝永熙三年五月辛卯詔曰大魏得一居宸乘六

馭寓考風雲之所會宅日月之所中自北而南東征

西怨后來其蘇無思不偃而句吳負險久遺度外世

祖太武皇帝握金鏡以昭耀擊玉鼓以鏗鏘神武之

所牢籠威風之所轢轡莫不雲散霧卷瓦解冰消長

江已北盡為魏土頃天步中北國網時屯凶豎因機

互窺上國疆場侵噬州郡淪胥乃聽東顧無忘寢食

自非五牛警旆七萃按部何以復文武之舊業拯塗

炭於遺黎朕將親摠六軍徑臨彭沛一勞永逸庶保

無疆內外百寮便可嚴備出頓之期更聽後勅丙申
 以使持節侍中大司馬開府司州牧廣陵王欣為左
 軍大都督太傅錄尚書事長孫穉為中軍四面大都
 督丁酉帝幸華州都亭集京畿都尉及軍士三千餘
 人慰勉之壬寅以長孫穉為後軍大都督六月丁卯
 大都督涼子恭鎮陽胡汝陽王暹守石濟儀同三司
 賈顯智率豫州刺史斛斯壽東趣濟州七月乙丑帝
 親總六軍十餘萬眾次於河橋以斛斯椿為前軍大
 都督尋詔椿鎮虎牢又詔荊州刺史賀拔勝赴於行
 所勝率所部次於汝水時帝為斛斯椿王思政及元

毗魏光等詔佞間阻於齊

高歡

託以討梁

蕭衍

成盛暑徵發

河南之兵天下怪惡之丁未帝為椿等迫脇遂從維
 陽率輕騎入關都長安宇文泰奉迎之翔鳳訂正

豫章黃國倚較釋

帝王部

一百十七

魏征第二

後周武帝建德四年七月丙子召大將軍以上於大
 德殿帝曰太祖神武膺運創造至基兵威所臨有征
 無敵唯彼偽齊猶懷跋扈雖復戎車屢駕而大勳未
 冊府元龜

冊府元龜

帝王部

卷之二十一

二十五

册府元龜

淮南李嗣京參問

西極文翔鳳訂正

豫章黃國琦較釋

帝王部

一百十七

親征第二

後周武帝建德四年七月丙子召大將軍以上於大德殿帝曰太祖神武膺運創造王基兵威所臨有征無戰唯彼偽齊猶懷跋扈雖復戎車屢駕而大勳未集朕以寡昧纂承鴻緒往以政出權宰無所措懷自

親覽萬機便圖東討惡衣菲食繕甲治兵數年以來戰備稍足而僞主昏虐恣行無道伐暴除亂斯實其時今欲數道出兵水陸兼進北拒大行之路東扼黎陽之險若攻拔河陰充豫則馳檄可定然後養銳享士以待其至但得一戰則破之必矣王公曰爲何如羣臣咸稱善丁丑詔曰高氏因時放命據有汾漳擅假名器歷年永久朕以亭毒爲心遵養時晦遂敦聘好務息黎元而彼懷惡不悛尋事侵軼背言負信竊邑藏姦釁繇彼始兵興汾曲事非我先此獲俘囚禮送相繼彼所拘執曾無一反而加日淫刑妄逞毒賦

繁興齊魯稱殄瘁之哀幽并起來蘇之望旣禍盈惡稔衆叛親離不有一戎何以大定今白藏在辰涼風戒節勵兵詰暴時事惟宐朕當親御六師龔行天罰庶憑祖宗之靈資將士之力風馳九有電掃八紘可分命衆軍指期進發以柱國陳王純爲前一軍總管滎陽公司馬滑難爲前二軍總管鄭國公達奚震爲前三軍總管越王盛爲後一軍總管周昌公侯莫陳瓊爲後二軍總管趙王招爲後三軍總管齊王憲率衆二萬趣黎陽隋國公楊堅廣寧軍侯薛迴舟師三萬自渭入河柱國梁國公侯莫陳芮率衆一萬守太

行道申國公李楷衆三萬守河陽道恒山公于翼衆二萬出陳汝壬午帝親率六軍衆六萬直指河陰八月癸卯入於齊境禁伐樹踐苗稼犯者以軍法從事丁未帝親率諸軍攻河陰大城拔之進攻子城未克帝有疾九月辛丑夜班師水軍焚舟而退齊王憲及于翼李昭等所在克捷降拔三十餘城皆棄而不守唯以王藥城要害令儀同三司韓正守之正尋以城降齊戊寅至自東伐

五年十月帝謂羣臣曰朕去歲屬有疾疹遂不得克平邁寇前入賊境備見敵情觀彼行師殆同兒戲又聞朝政昏亂政繇羣小百姓嗷然朝不謀夕天與不取恐貽後悔若復同往年出軍河外直爲撫背未扼其喉然晉州本高歡所起之地鎮攝要重今往攻之彼必來援吾嚴軍以待擊之必克然後乘破竹之勢鼓行而東足以窮其窟穴混同文軌諸將多不願行帝曰機者事之微不可失矣若有沮吾軍者朕當以軍法裁之巳酉帝摠戎東伐以越王盛爲右一軍摠管杞國公亮爲右二軍摠管隋國公楊堅爲右三軍摠管譙王儉爲左一軍摠管大將軍竇恭爲左二軍摠管廣化公丘崇爲左三軍摠管齊王憲陳王純爲

前軍癸亥帝至晉州遣齊王憲率精騎二萬守雀鼠谷陳王純步騎二萬守千里川鄭國公達奚政步騎一萬守統軍川大將軍韓明步騎五千守齊子嶺烏氏公尹昇步騎五千守鼓鐘鎮梁公辛韶步騎五千守蒲津關柱國趙王招步騎一萬自華谷攻齊汾州諸城柱國宇文盛步騎一萬守汾水關遣內史王詵監六軍攻晉州城帝屯于汾曲齊王憲攻洪洞永安二城竝拔之是夜虹見於晉州城首向南尾入紫宮長十餘丈帝每日自汾曲赴城下親督戰城中惶窘庚午齊行臺左丞侯子欽出降壬申齊晉州刺史崔

景嵩守城北面夜密遣送欵上開府王軌率衆應之未明登城鼓噪齊衆潰遂克晉州擒其城主特進開府海昌王尉相貴俘甲士八千人送關中甲戌以上開府梁士彥爲晉州刺史加授大將軍留精兵一萬以鎮之又遣諸軍徇齊諸城鎮竝相次降欵十一月己卯齊主自并州率衆來援帝以其兵新集且避之且詔諸軍班師遣齊王憲爲後拒是日齊主至晉州憲不與戰引軍度汾齊主遂圍晉州晝夜攻之齊王憲屯諸軍於涑水爲晉州聲援癸巳至自東伐獻俘于太廟甲午詔曰僞齊違信背約惡稔禍盈

是以親搃六師問罪汾晉兵威所及莫不摧殄賊衆危皇鳥棲自固暨元戎反旆方來聚結游魂境首尙敢趲起朕今更率諸軍應機除翦丙申放齊諸城鎮降人還丁酉帝發京師壬寅度河與諸軍合

十二月戊申次于晉州齊人於城南穿塹自喬山屬于汾水帝帥軍八萬置陳東西二十餘里齊王亦於塹北列陣帝欲薄之以碍塹遂止自旦至申相持不決申後齊人填塹南引帝大喜勒諸軍擊之兵纔合齊人便退帝遂北斬首萬有餘級齊主與其麾下數十騎走還并州於是齊衆大潰軍資甲仗數百里間

委桑山積辛亥帝幸晉州仍率諸軍追齊主諸將固請還師帝曰敵不可縱縱敵患生卿等若疑朕將獨往諸將不敢言癸丑軍次汾水關甲寅齊主遣其丞相高阿那瓌率兵一萬守高壁帝麾軍直進那瓌望風退散丙辰師次介休齊將開府韓建業舉城降以爲上柱國丁巳大軍次并州齊王留其從兄安德王延宗等守并州自將輕騎走鄴戊午高延宗僭卽僞位己未軍次并州庚申延宗擁兵四萬出城抗拒帝率諸軍合戰齊人退帝乘勢逐北率千餘騎入東門詔諸軍繞城置陣至夜延宗率其衆排衆而前城中

軍劫人相蹂踐大爲延宗所敗死傷畧盡齊人欲閉門以闔下積尸扉不得闔帝縱數騎崎嶇危險僅得出門至明率諸軍更戰大破擒延宗并州平癸酉帝率六軍趨鄴以上柱國陳王純爲并州總管

六年正月壬辰至鄴齊主先於城外掘塹豎柵癸巳帝率諸軍圍之齊人拒守諸軍奮擊大破之遂平齊齊主先送其母及妻子於青州及城陷乃率數十騎走青州遣大將軍尉遲勒率二千騎追之甲午帝入鄴巳亥尉遲勒擒齊主及其太子嘗於青州二月丁未齊主至帝降自阼階以賓主之禮相見高階在冀

州擁兵未下遣上柱國齊王憲與柱國隋公楊堅率軍討平之齊定州刺史范陽王高紹義叛人突厥齊諸行臺州鎮悉降關東平

宣政元年四月突厥入寇幽州殺略吏民議將討之五月巳丑帝摠戎北伐遣柱國原公姬願東平公宇文神舉等率軍五道俱入發關中公私驢馬悉從軍癸巳帝不豫止於雲陽宮丙申詔停諸軍事六月丁酉帝疾甚還京

隋煬帝大業七年二月帝自江都御龍舟入通濟渠遂幸涿郡壬午詔曰武有七德先之以安民攻有六

本興之以教義高麗高元虧失藩禮將欲問罪遼左
恢宣勝畧雖懷伐國仍事省方今往涿郡巡撫民俗
四月庚午至涿郡之臨朔宮于時遼東戰士及餽運
者填咽於道晝夜不絕苦役者始爲羣盜甲子勃都
尉鷹揚與郡縣相知追捕隨獲斬決

八年春正月辛巳大軍集於涿郡呂兵部尚書段文
振爲左候衛大將軍壬午詔曰天地大德降繁霜於
秋令聖哲至仁著甲兵於刑典故知造化之有肅殺
義在無私帝王之用干戈蓋非獲已坂泉丹浦莫匪
龔行取亂獲昏成繇順動況乎其野誓師夏開承大

禹之業商郊問罪周發成文王之志永監前載屬當
朕躬粵我有隋誕膺靈命兼三才而建極一六合而
爲家提封所漸細柳蟠桃之外聲教爰暨紫舌黃枝
之域遠至邇安罔不和會功成治定於是乎在而高
麗小醜迷昏不恭崇聚渤碣之間荐食遼瀋之境雖
復漢魏誅戮巢窟暫傾亂離多阻種落還集成川藪
於累代播寔繁以迄今睠彼華壤翦爲夷類歷年永
久惡穢旣盈天道禍淫亡徵已兆亂嘗敗德非可勝
圖掩慝懷姦唯日不足移告之嚴未嘗面受朝覲之
禮莫肯躬親誘納亡叛不知紀極充斥邊陲亟勞烽

候關柝以之不靜生人爲之廢業在昔薄伐已漏天網既緩前禽之戮未卽後服之誅曾不懷恩翻爲長惡乃兼契丹之黨虔劉海戍習鞞鞞之服侵軼遼西又青丘之表咸修職貢碧海之濱同稟正朔遂復攸攘琛賚遏絕往來虐及弗辜誠而遇禍輶軒奉使爰及海東旌節所次途經藩境而壅塞道路距絕王人無事君之心豈爲臣之禮此而可忍孰不可容且法令苛酷賦斂煩重強臣豪族咸執國鈞朋黨比周以之成俗賄貨如市冤枉莫申重以仍歲災凶比屋饑饉兵戈不息徭役無期力竭轉輸身填溝壑百姓愁

苦爰誰適從境內哀惶不勝其弊廻首面內各懷性命之圖黃髮稚齒咸興酷毒之嘆省俗觀風爰岳幽朔弔人問罪無俟再駕予親摠六師用申九伐拯厥陷危協從天意殄茲逋穢克嗣先謨今宐援律啓行分旄屆路掩渤澥而雷震歷扶餘以電掃比戈按甲誓旂而後行三令五申必勝而後戰左第一軍可鏤方道第二軍可長岑道第三軍可海冥道第四軍可蓋馬道第五軍可建安道第六軍可南蘇道第七軍可遼東道第八軍可玄菟道第九軍可扶餘道第十軍可朝鮮道第十一軍可沃沮道第十二軍可樂浪

道右第一軍可黏蟬道第二軍可捨資道第三軍可
渾彌道第四軍可臨屯道第五軍可候城道第六軍
可提奚道第七軍可達頓道第八軍可肅慎道第九
軍可碣石道第十軍可東廳道第十一軍可帶方道
第十二軍可襄平道凡此衆軍先奉廟略絡繹引途
摠集平壤莫匪如狼如貔之勇百戰百勝之雄顧盼
則山嶽傾頽叱咤則風雲騰鬱心德攸同爪牙斯在
朕御元戎爲其節度以遼而東循海之右解倒懸於
遐裔問疾苦於遺黎廿八外輕齋遊關隨機赴響卷甲
銜枚出其不意又滄海一軍舟壘十里高颿電逝巨

艦雲飛橫斷沮江逕造平壤島嶼之望斯絕坎井之
路已窮其餘被髮左衽之人控弦待發微盧彭濮之
衆不謀同辭仗順臨逆人百其勇以此衆戰勢等摧
拉然則王者之師義存止殺聖人之教必也勝殘天
罰有罪本在元惡人之多僻脅從罔治若高元泥首
棘門自歸司寇卽宐解縛焚櫬弘之以恩其餘臣人
歸朝奉順咸加慰撫各安其業隨才任用無隔夷夏
營壘所次務在整肅芻蕘有禁秋毫勿犯布以恩宥
喻以禍福若其同惡相濟抗拒官軍國有嘗刑俾無
遺類明加曉諭稱朕意焉摠管一百一十萬三千八

百號二百萬其餽運者倍之癸未第一軍發終三十日引師乃盡旌旗亘千里近古出師之盛未有之也三月辛巳帝御師戊子臨戎于遼水橋辛卯大軍爲賊所扼不果濟石屯衛大將軍左光祿大夫麥鐵杖武賁郎將錢士雄孟金義等皆死之甲午車駕渡遼戰于東岸擊賊破之進圍遼東于時諸將爲奉旨不敢赴機而高麗城守攻之不下六月己未幸遼東責怒諸將止城西數里御六合城七月壬午宇文述等敗績於薛水石屯衛將軍辛世雄死之九軍竝陷將帥奔還亡者二千餘騎癸卯班師十年二月辛未詔

百僚議伐高麗數日無敢言者辛卯詔曰黃帝五十戰成湯一十七征方乃德施諸侯令行天下盧芳小盜漢高祖尚且親戎隗囂餘燼光武猶自登隴豈不欲除暴止戈勞而後逸者哉朕纂承寶業君臨天下日月所照風雨所沾孰非我臣獨隔聲教最爾高麗僻居荒表鴟張狼噬侮慢不恭鈔竊我邊陲侵軼我城鎮是以去歲出車問罪遼瀋瘴長蛇于玄菟戮封豕於襄平扶餘衆軍風馳電逝追奔逐北徑踰沮水滄海舟楫衝賊腹心焚其城郭汚其宮室高元伏鑽泥首送款軍門尋請入朝歸罪司寇朕已許其改

過乃詔班師而長惡靡悛宴安鴟毒此而可忍孰不可容便可分命六師百道俱遣朕當親執武節臨御諸軍按馬九都觀兵遼水順天誅於海外問救民於倒懸征伐以正之明德以誅之止除元惡餘無所問若有識存亡之分悟安危之機翻然北首聿求多福必期同惡相濟抗拒王師若火燎原刑茲無赦有司便安宣在咸使知聞三月壬子行幸涿郡癸亥次臨渝宮親御戎服禱祭黃帝斬叛軍者以鼙鼓四月甲午車駕次北平七月癸丑次懷遠鎮甲子高麗遣使降因送斛斯政帝大悅八月己巳班師

唐太宗貞觀十八年十月帝欲親總六軍以度遼海進封事者皆勸遣將不宐親行帝謂侍臣曰夫去本而就末舍高而取下失近而之遠此三者謂之不祥今國家經略高麗亦猶是矣然則察諸天時而觀乎人事夫嚴冬之月欲務稼穡使八堯運耜九舜布種則不能使之生青陽之月土膏脉起庸夫童子堪成良稼所謂天有其時而人有其功也高麗逆弒其主誅戮大臣而虐用其人下無措手而一方之人延頸思救弔人伐罪今也其時議者云云但不知耳甲寅車駕幸雒陽宮十一月壬申至雒陽甲午以光祿大

夫刑部尚書鄖國公張亮爲使持節平壤道行軍大
總管以左領軍將軍武水縣伯嘗河瀘州都督戴國
公左難當爲副總管汾州刺史黃國公舟仁德眉州
刺史下傳縣男劉英銀青光祿大夫行撫州刺史張
文翰雲麾將軍行中郎將龐孝恭右驍衛將軍東平
郡公程名振竝爲行軍總管以隸之率江淮嶺峽勁
卒四萬長安雒陽召募三千戰艦五百艘自萊州泛
海趣平壤又以特進太子詹事左衛率英國公李勣
爲使持節遼東道行軍大總管以禮部尚書江夏郡
王道宗爲總管又以前幽州都督虢國公張士貴右

領軍大將軍安國公執失思力右驍衛大將軍張拔
郡國公契苾何力右監門大將軍阿史那彌射右屯
衛將軍金城縣公姜德本左武衛將軍金城郡公麴
智盛雲麾將軍新鄉縣公吳黑闥營州都督博臨縣
男張儉左驍衛中郎將安縣和竝爲行軍總管以隸
之步騎六萬并蘭河二州降胡趣遼東兩軍合勢庚
子遣行軍總管姜行本少府少監丘行淹先督工匠
造梯衝於安蘿山百姓見往歲擊突厥吐谷渾高昌
竝指期摧殄無不勇於赴敵爭從召募矜其膂力者
不可勝數或引佩刀刺股以示勇決進攻城器械者

相次于朝堂太宗皆親加損益窮其便易乃手詔示天下行師用兵古之嘗通取亂侮亡先哲所貴高麗莫離支蓋蘇文弑逆其主酷害其臣竊據邊隅肆其蜂蕩朕以君臣之義情何可忍若不誅翦遐穢無以徵肅中華今欲巡幸幽薊問罪遼碣行止之宜務存節儉所過營頓無勞精飾食唯充飢不須珍膳水可涉度者無暇造橋路可通行者不勞修理御營非近縣學生老人等無煩迎謁隋室淪亡其源可觀良繇智畧乖於遠圖兵士疲於屢戰政令失度上下離心德澤不加於匹夫刻薄彌窮於萬姓當此時也高麗

之主仁愛其人故百姓仰之如父母煬帝殘暴其下故衆庶視之如仇讐以思亂之軍擊安樂之卒務其功也不亦難乎何異入水而惡其濡踐雪而求無迹朕緬懷前載撫躬內省昔受鉞專征提戈撥亂師有經年之舉食無盈月之儲至於賞罰之信尚非自決然猶所向風靡前無橫陣蕩氛霧於五嶽翦虎狼於九野定海內拯蒼生然則行軍用兵皆億兆所見豈煩言哉及端拱巖廊定策帷扆身處九重之內謀決萬里之外北殄匈奴種落有若摧枯西滅吐谷渾高昌易於拾芥苞絕漠而爲苑跨流沙而爲池黃帝不

服之人唐堯不臣之城竝皆委質奉貢歸風順軌崇
威啓化之道此亦天下所共聞也况今豐稔之年家
給人足餘糧栖畝積粟紅倉雖足以爲兵儲猶恐勞
於轉運故多驅牛羊以充軍食八無裹糧之費衆有
隨身之廩如斯之事豈不優於曩日加以躬先士卒
親決六奇使攻無所守戰無所懼畧言必勝之道蓋
有五焉一曰以我大而擊其小二曰以我順而討其
逆三曰以我安而乘其亂四曰以我逸而敵其勞五
曰以我悅而當其怨何憂不尅何慮不摧可布告元
元勿爲疑懼耳太宗憂百姓勞役凡有饋舍供費之

具減者大半焉

十二月甲寅詔曰觀乎天道鼓雷霆以肅萬物求諸
人事陳金革以威四方雖步驟殊時質文異制其放
殘殺禁暴虐戮于紀討未賓莫不扶義而申九伐文
德昭於率土因時而董三令武功成於止戈朕祇膺
寶曆君臨寓縣憑宗社之靈藉卿士之力神祇儲社
夷夏宅心故上柱國遼東郡王高麗武風披丹欸早
奉朝化忠義之節克著於嶠夷職貢之典不愆於王
會而其臣莫離支蓋蘇文包藏凶慝招集不逞潛懷
異計奄行弑逆寃酷纏于滅貊痛悼徹於諸華纂彼

藩緒權其國政法令無章賞罰失所下陵上替遠怨
邇嗟加以好亂滋甚窮兵不息率其羣凶之徒屢侵
新羅之地新羅喪土憂危日深遠請救援行李相屬
朕愍其倒懸之急爰命輕軒之使備陳至理喻以休
兵曾不知改莫遵朝命窺窬亭障首竄窟穴完聚更
切賦斂尤繁丁壯盡於鋒刃羸老弊於板築久廢耕
桑咸罹饑饉生肉表異顯其亡徵雨血爲妖彰其數
盡比室愁苦闔境哀惶華髮青襟不勝苛政延頸企
踵思沾王澤昔有苗弗率勞大禹之駕葛伯仇餉動
成湯之師况亂嘗巨寇紊三綱而肆逆滔天元惡窮

五刑而莫大者哉朕以宵衣興慮日旰忘食討罪之
意旣深於投袂救人之義彌軫於納隍類上帝而戒
途詔夏官而鞠旅可先遣使持節遼東道行軍大總
管英國公勣副總管江夏郡王道宗士馬如雲長驅
遼左奮夷嶽之威屠豕虵於險澗乘建瓴之勢斬鯨
鯢於鏤方行軍總管執失思力行軍總管契苾何力
率其種落隨機進討契丹蕃長於旬折奚蕃長蘇支
燕州刺史李玄正等各率衆絕其走伏使持節平壤
道行軍大總管張亮副總管嘗何總管左難當等舟
楫相繼直指平壤新羅王金善德傾其城邑竭其府

藏荷不貲之澤復累葉之讐出樂浪而衝腹心臨沃沮而蕩巢穴百濟王扶餘義慈早著丹款深識時機棄歷稔之私交贊順勳之公戰羸糧蓄銳唯命是從凡此諸軍萬里齊舉頓天羅於海浦橫地網於遼陽朕然後經塗白狼之右親巡玄菟之城執鼗鼓而戒六軍載太嘗而麾八陣使流湯者魚爛握炭者冰消誅渠魁於惡稔弔黎庶於隕角其或擁衆力攻或間行自板宐弘寬大各復農士有勞者當加其賞懷能者不滯其才如其長惡吳悟迷途遂往斧鉞旣下必嬰喪元之悲玉石一焚從軫噬臍之嘆具宣朕旨咸

使知聞

十九年二月輿駕發雒陽三月丁丑幸定州太宗謂侍臣曰遼東舊中國之有自魏涉周置之度外隋氏出師者四喪律而還殺中國良善不可勝數今彼弑其主恃險驕盈朕長夜思之而輟寢將爲中國復子弟之讐爲高麗討弑君之賊今九瀛大定唯此一隅川將士之餘力平蕩妖寇耳然恐於後子孫或因士馬強盛必有奇決之士勸其伐遼興師遐征或起喪亂及朕未老欲自取之亦不遺後人也所以發自雒陽唯噉肉飯春蔬不進慮有勞煩庶同艱苦一勞永

逸是後將士每到者遣於定州北門過太宗御城門樓撫慰之皆踊躍歌呼其人心齊一自古出師命將未之有也壬辰車駕發定州親佩弓矢手結雨衣於御鞍後詔司徒長孫無忌攝侍中吏部尚書楊師道攝中書令太宗夙綜師旅躬善兵筭此行也攻擊之勢軍將咸稟成規至於應變乘機長孫無忌頗豫謀畧時李勣發陽城多張形勢若從懷遠之路潛引師北趣燕之甬道而進以高麗不意焉

四月戊戌朔李勣師自通定濟遼水至玄菟所經烽戍皆下之高麗大駭城邑各閉門不敢出壬寅江夏

王道宗率衆數千至新城折衝都尉曹三良率十餘騎直壓其門下城中驚擾無敢出者癸卯於幽州城南大饗六軍太宗御次詔長孫無忌宣旨以誓衆曰古先帝王爰有征伐堯戰丹浦舜伐有苗文王戡黎成湯征葛此四君者豈樂櫛風沐雨勞師疲衆以爲不誅兇殘化不洽不翦暴亂人不安高麗莫離支虐殺其主盡戮大臣自餘黎庶怨入骨髓此等皆力不能制擁在寇城想望朕師若思膏雨高麗滅亡徵兆人誰不見時不可失天不可違朕豈厭重帷而安暴露薄華殿而樂風塵且以弱年行師頗識權變今者

士卒咸集戈甲如山衝朔雲梯指影可捷夫農夫勤
春乃始有秋士卒先力然後受賞若能齊力一心屠
城陷敵高官厚秩朕不食言若敢逋逃違棄營伍厥
身從戮罪及妻孥此皆邦國之典刑古今之嘗事記
朕誓言誠宐自勉丁未輿駕發幽州壬子李勣攻高
麗之蓋牟城丁巳太宗次北平澄臨海戊午烽望大
壑癸亥李勣拔蓋牟城獲戶口二萬餘人倉糧十餘萬
石

五月乙巳張亮亞將程名振拔卑沙城其城四面懸
絕唯西門有攻之勢名振督軍夜襲之副總管王文
度先登士卒繼進城中潰散虜其男女八千口分遣
總管丘孝忠古神感羅兵於鴨綠水是日李勣進軍
於遼東城下庚辰車駕次遼澤丙子師次臨遼頓其
多遼水減三尺三軍慶悅以爲得天之助丁丑車駕
渡遼撤橋梁以堅士卒之心賜士六萬營於馬首山
初太宗遣使於百濟國中採取金漆用塗鉄甲皆黃
紫引耀色邁兼金又以五綵染玄金製爲山文甲並
從將軍甲申太宗親率甲騎萬餘金光耀日與李勣
會於城下金鼓齊震旌旗圍其城者數百里士衆之
聲駭天聒地太宗見南風甚急遣銳卒登衝竿之末

焚其西南樓騰煙扇烈焚其城中屋宇樓閣須臾而盡太宗之發定州也遣自州東每數十里而置一烽以至遼東城下烽端多積木葦須克遼東城訖焚以報太子至是太宗知城必下麾無忌師首戰馳至烽所焚之乃麾戰士登城高麗蒙楯拒戰天子命拋車飛石繼中其楯壯士數百人攢長稍而攻之高麗兵大潰其留戰者盡燼燒死者萬餘人牛馬犬彘不可勝數俘其勝兵萬餘人口四萬收倉粟五十萬石以其城爲遼州丙戌詔曰五兵爰始軒皇戰於阪泉七德攸基唐帝尅于丹浦莫不除翦暴逆克濟生靈斥

土開疆威加四海朕欽承寶曆削平天下六合之內咸以爲家三光所臨義無偏炤繇是環埤之表咸森森以航深垓寓之中盡顛顛而面內而島夷陪隸虐殺其君毒被朝鮮災流穢貊幼孤者不勝苛暴忠槩者仰我來蘇朕言念匪人深懷夕惕親御戎軒躬執雲鼓意在以殺止殺仁育被於羣生用刑清刑義征戡於不惠靡滔天而調雨露擒猾夏以正封疆用此佳兵事非獲已仰申天罰遂乃龔行先命行營大總管英國公勣行軍總管張儉等率領驍銳元戎啓行北狄西戎之酋咸爲將帥奚霫契丹之旅皆充甲卒

如貔萬計躍馬千羣摠萃遼東之城攻其南面副大
總管江夏郡王道宗第一軍摠管虢國公張士貴等
率五陵之勁騎董六部之良家分麾引道攻其西南
申命前軍夔國公弘基等分統猛士填其濠塹賊城
地險激梁水以環流聳堞凌雲壓頽山而靡懼於是
雲羅四合地道九攻危城倏已復隍湯池俄而失險
猶且析骸窮壘壁巢幕以偷安轉骨深溝坐積薪而
待燎愍其塗炭申其再造頻加誨誘固執迷塗詎是
猛士衝冠壯夫挺劍咸頓首於馬前請因機而電掃
難違衆議爰詔許之乃分命諸軍四面雲合朕登高

迴囑授其節度又命簡較太嘗卿鄒國公敬德領黃
門之軍樂奏玄雲之雅歌將帥聞而增憤士卒繇其
作氣于時凍雨初晴驚風漸急聊命縱火數處熿然
焚其樓雉竝爲煨燼合城男子面縛軍門取彼渠魁
屬之司敗千載逋寇一朝清蕩斯竝宗廟威靈上玄
幽贊忠臣猛將盡節陳謀勁卒勇夫輕身效命叶同
心力成此大功豈朕一人獨能致此今茲尅捷普天
之慶宐令頒下咸使聞知乙未師次白巖城
六月丁酉李勣攻白巖城西南太宗臨其西北城主
孫伐音請降以城爲巖州是日於蓋牟城置蓋州庚

子詔曰上天之道先德而後刑王者之師有征而無戰是以炎農翦暴夙沙自縛其君玄德一興有苗不固其險朕勞神濟物用百姓而爲心則天弘化環四海而開宇義非獲已繇是舉兵每蓄哀矜深存宥罪自濟遼水先令告喻而蓋牟不革其面遼東猶抗其斧旣觸天網遂縱兵鋒未展鷹揚已皆魚爛朕乃鼓行乘勝師次白巖兇徒相率登陴拒守因山構壘仰切浮雲縈澗疏隍下臨無景妖氛翳聚如憑劔閣之深同惡鴟張若負洞庭之險乃命行營大總管英國公勣等統咀彘冠雞之將率犖龜斬蛟之士石發甚

於星實樓毀同於山壤朕憫彼同焚情深惻隱乃親御八駿幸勅三軍旣劄懸方思轉禍積甲齊於熊耳獲庾方於海陵建十州之旗各復於桑梓及三韓之士不易於農肆焚瀨錫爵驅馳遼浪之間鑿井耕田編列卞辰之野古人有言曰全國爲上蓋斯之謂焉又燕碣土風素多霖霖軒皇遭召雨之寇晉后苦涌水之災自朕出師上靈幽贊旭日澄靄膚雲輟陰所指未有堅城所向乃無完陣天道人事義等合符窮穴傾巢庶將非遠宐以大慶頒示普天丁未車駕發自遼東丙辰次於安市城北列營進兵以攻之丁

已高麗北部褥薩高惠真率高麗靺鞨之衆十五萬以援安市城帝謂侍臣曰延壽之來也其策有三若引兵直前連安市城以爲壘據高山之險食城中之粟兼縱靺鞨之寇吾牛馬攻之則不可卒下欲歸則泥潦爲滯此其上策若抽城中之人與之宵遁此其中策若不量其能近城列陣將與吾交鋒此其下策卿其觀之是必用下策若得縱兵決戰所謂成擒者也賊中有一對盧年習事謂延壽曰吾聞中國大亂英雄竝起秦王聖武所向無敵遂平天下南面爲帝北夷請服西戎獻款今者傾國而至唐兵之壯健者悉

來其鋒不可當也今爲計者莫若頓兵不戰曠日持久分遣驍雄斷其餽運不過旬日軍糧必盡求戰不得欲歸無路此不戰而必取勝也延壽不從引軍直進遣騎候之云去安市城四十里太宗以爲兵家之勢以逸待勞猶慮其低徊不至詔左衛大將軍阿史那社爾總突厥十騎以誘之誠曰鋒交而佯北其必乘爾而來也高麗嘗令靺鞨居前社爾與之纒交而退高麗相謂曰此易與竟馳進軍於安市城東南八里依山麓而陣帝召無忌及侍臣將軍等謂曰夷兵旣至塵埃亘數十百里彼衆我寡卿等所知國家猛

將謀臣竝從朕在破賊萬全之策云何無忌奏稱古來帝王亦有以干戈靜亂而臨天下者多委將帥身非英畧陛下往時平定海內年踰成童莫不被堅執銳躬先士伍翦除干紀救蒼生之命鴻名遠震海外咸服今所從將士多是幕府舊人雖復遠涉夷鄉而善陪神武橫戈思敵人百其戰古人云將戰必觀士卒之情臣適行經諸營衛士等聞高麗已至無不抽刀結旆喜見於色在平王充及竇建德等臣蒙從征至於奇謀異算多出睿旨用陛下妙筭無不就擒偶達成規必致負敗今陛下親臨遼隊擐甲振嚮滅高

麗之機在此一舉臣等愚短破陣萬全之策不敢克當乞陛下指縱臣等奉以行事太宗笑謂曰卿等旣推筭於朕當爲君料量因與無忌等翼數百騎乘高以觀之覽其山川可以用奇兵處遣給延壽曰我以爾強臣篡弒故來問罪卽欲交戰非吾本意天子入境芻粟不給不能於中國轉運破爾數城以取廩食禮苟修則所失必復矣延壽信之竟夕而俟太宗夜召文武躬自指麾遣李勣步騎一萬五千於賊西嶺爲陣長孫無忌率將軍牛進達等精兵一萬一千以爲奇兵自山北於狹谷出以衝其後太宗自率步騎

四千潛鼓角偃旌幟趣賊營北高峯之上勅諸軍聞鼓角聲而齊進因令所司張受降幟於朝堂之側曰明日午時納降虜於此矣遂率軍而進是夜流星墜賊營中戊午延壽獨見李勣兵欲與戰太宗遙望長孫無忌軍塵起命鼓角竝作旗幟齊舉大懼將分兵承之而其陣已亂時有電雷助我軍威李勣率步卒一萬擊之延壽衆退長孫無忌縱兵乘其後太宗又引軍臨之賊因潰斬首二萬餘級延壽等率其餘寇依山自保迴望我軍擊其黨類悲號相召其聲甚哀於是詔無忌勣等引兵圍之無忌撤川梁以斷其歸

路矣太宗按轡行觀營壘謂侍臣曰高麗舉國而來存亡所繫一麾而敗天祐我也因下馬再拜以謝天已未高延壽高惠真率三萬六千八百人請降太宗引入轅門延壽膝行而前拜手請命太宗謂延壽等曰東夷英少講張海曲至於摧堅破敵故當不及老人而今而後更敢與天子戰否延壽等咸伏地而不對辭簡釋薩巴下及酋首三千五百人授以戎秩遷之內地餘衆三萬餘人竝釋俘放還平壤其謝恩於天子竝雙舉手以頷頓地懽叫之聲聞數千里外赫羯三千三百人盡坑殺之獲馬五萬匹牛五萬頭光

明甲一萬領他戰器械稱是遼東道行軍大總管李勤奏曰向若陛下不自親行臣與道宗將數萬人攻安市城未克延壽等十餘萬抽戈齊至城內兵士復應開門而出以救首尾旋踵即敗必為延壽等縛送向平壤為莫離支等所笑今日臣敢謝陛下性命恩澤太宗素狎勸笑而領之延壽惠真等敗也高麗傾國震駭後黃城及銀城竝自拔數百里無復人煙遊驛以報皇太子仍書與中國公高士廉等曰朕為將如此何如皇太子表請曰伏承聖躬去賊城不踰百步臣魂飛膽戰莫知自處伏願思宗社之重以億兆

為心收雷霆之威駐矢石之外臣之愚誠敢以死論及聞此語報曰吾初向賊陣心竝在戰攻為憶汝之言所以不執斧鉞如其不爾將大決戰此後必不親行陣勿為憂慮也因名所幸山為駐蹕山令將作造破陣圖竝命中書侍郎許敬宗為文勒石記其迹七月辛未移營安市城東嶺八月丙午移營於安市城南自帝渡遼凡十徙營但明斥候未嘗為塹壘車士從蓋牟遼東等城運糧單人匹馬所至野宿如中國焉雖賊城高麗終不敢竊抄令李勤江夏王道宗攻安市城六旬不能克

九月癸未太宗以季秋草枯遼塞寒烈勅諸軍收攻安市城器械卽命班師先遣拔遼蓋三州戶口渡遼乃召馬軍萬騎步卒數萬披甲持戟張旗幟度其城下而旋城中皆屏聲偃幟城主升城拜手奉辭太宗嘉其堅守賜縑百匹以勵事君者詔李勣道宗統馬步數萬人爲後殿乙酉次於遼東城下城中尚有粟十萬石軍士取之不能盡丙戌渡遼水至渤錯水十里間遼澤餘潦車馬不通詔長孫無忌揚師道率文武官寮及征兵萬人翦草填道而進水深之處以車爲梁道太宗憂梁道不成自積柴馬上詣無忌等以

助役

十月丙申朔次蒲溝填路未畢太宗駐馬以督之及兵渡渤錯水暴風降雪時甚冰寒士卒沾凍馬牛溺於泥水死者甚多詔遣積火以待之渡兵賴以獲濟初太宗軍及李勣軍之入遼也將十萬人各有八馱兩軍戰馬萬匹及還戰士死者一千二百人其八馱及戰馬死十七八張亮水軍七萬人泛海遭風溺死者數百人凡徙遼蓋巖三州戶口入內地前後七萬人丙午次營州癸丑詔曰朕聞之聖人慎罰觀兵於再駕明王舉事制勝於三年合諸侯以討逆旣擒而

且縱摠海內以除殘臨行而止殺其故何哉信繇上天之德曰生王者之師曰義是以網開三面干舞七旬豈有恣欲稜威取鯨鯢而竭澤覆巢探穴罄麇卵以塗原者乎憬彼島夷之州僻居鯤壑晉皇淹駕纔克一城隋帝頻卽淪兵百萬朕光承寶曆思救普天陶化紫宸法兩儀而導俗推心黔首徇萬寓以勞神織介不安終宵輟寢蠻陬未艾日旰忘食是以遠涉天崖比焦原而未險長驅若木譬平圃以非遙憤角遼陽躬親節度縱金海表震耀威靈尅其玄菟橫山蓋牟磨米遼東白巖卑沙麥谷銀山後黃等合一十

餘城凡獲戶六萬口十有八萬覆其親城駐蹕建安合三大陣前後斬首四萬餘級降其大將二人裨將及官人酋帥子弟三千五百兵士十萬人竝給程糧放還本土又獲馬牛各五萬餘館穀十旬不假贏糧之費徒兵累萬咸發兼乘之歌自夏涉秋係虜相次繇燕及雍襁負不絕緬惟湯文取亂嘗懷偃伯之心虞夏勝殘寔弘光被之美有懷哉武造次何忘但以賊帥莫離支猶不授首舉圖未果志無旋旆忽屬徼外霜嚴海濱寒摠念茲兆衆便命班師朕所向必摧上靈之祐也所攻無敵勇夫之力也方且聊酬玄澤

展大禮於郊禋賽此勤勞錄摧鋒於將士有勳者別
頒榮命無勳者竝加優卹諸渡遼海人應加賞命及
優復者所司宜明爲條例具狀奏聞朕將親覽詳以
申後命丙辰太子奉迎太宗自發定州御一褐袍將
與太子別謂曰俟見汝日方更之耳繇是春夏嘗御
雖盛暑流汗弗之改也及秋中褐竝穿敗羣臣咸請
改易太宗曰軍中士卒多衣弊衣吾自服新衣非將
領之情至有數十處穿穴太子引之盡數是日次圍
山太子以新衣進御太宗始服之

二十年三月車駕至自遼東獻俘授鉞備法駕具凱

旋禮蠻夷君長及京邑士女夾道陳觀者填塞咸稱
萬歲

冊府元龜

帝王部

卷之一百十七

冊府元龜

淮南李嗣京叅閱

西極文翔鳳訂正

豫章黃國琦較釋

帝王部 一百十八

親征第三

唐玄宗開元二年十月吐蕃復侵渭源帝思親征乃下制曰朕聞夷不亂華既殊於中外虜或犯塞必興於甲兵我國家一戎定業累聖膺期千戚斯舞梯航畢至小蕃遠寇假息游魂爰自昔年慕我朝化申以

婚姻之好結爲舅甥之國歲時往復信使相望繒繡以益其饒衣冠以增其寵鴻恩大造特加於蠻貊狼子野心遂同於梟獍在於亭障頗開驚擾已命師徒遙往追躡摧兇殄逆今也其時滅迹掃塵期之不日然以問罪之義百王所以龔行戒嚴之典六軍所以親御是用中宵按劔昧曉求衣豈自逸於崇高而不勤於櫛沐眷茲右輔遠界西陲雖駐蹕之誓勞佇觀兵而決勝宐取今月擇日進發其差取後軍四萬人諸色蕃兵二萬人京兆府兵一萬人飛騎二萬人量追三百里內兵留當下人充萬騎五萬一千人幽隴

兵各二千人岐州兵五千人竝集本州待進止其馬四萬匹取三百里內諸廐及府馬充所追兵馬及押官委本州精簡赴集衛尉卿兼簡較左金吾大將軍王毛仲爲左一軍總管右金吾將軍康海源爲副左武衛大將軍李昌爲右一軍總管左武衛將軍馬衛爲副左羽林大將軍趙成恩爲左二軍總管右領軍將軍衛泰義禮爲副右羽林將軍楊敬述爲左三軍總管右領年將軍鮮于庭誨爲副左羽林將軍馬崇爲右三軍總管右監門將軍執失善光爲副所司准式俾其長驅隴坻深入湟中授以方畧掃清氛祲其緣

頓支俱務從省約丁巳勅曰戎狄憑陵每勞征戍比
興師旅猶未掃除緣邊之人頗有其患朕爲父母實
用憂勤今欲親案邊疆躬行弔伐宐令朝廷召募勇
夫壯士拔萃逸羣者稱爲屯衛飛騎且各量與賜帛
行廻之日簡入羽林自餘之人取爲長行仍令兵部
侍郎韋抗紫微舍人王珽卽於朝堂簡募十日內具
所得人姓名奏聞戊午至自溫湯命左驍衛大將軍
裴元哲領兵二萬人馳驛往隴右與薛納同討逆虜
薛納引兵至渭源遇吐蕃賊數萬戰於武階驛與王
峻犄角夾攻之大破賊衆追奔至洮水又戰于城堡

豐安軍使王海賓先鋒力戰死之將士乘勝進擊又
敗之獲數萬人擒其酋率將士盡收其所掠羊馬并
獲其器械不可勝數時帝方欲親征及聞納等克捷
大悅遂停親征

後唐明宗天成二年十月乙酉帝幸汴州戊子至京
水店汴州分巡院官王榮走馬報朱守殷已叛帝親
統禁軍倍程先進巳丑師臨汴州四面逼之人百其
勇鬪不踰時城潰而入戮其黨類晡晚收軍當日寧
帖告諭天下曰朕以名藩龍潛舊地思覃風教爰議
巡遊今月九日至滎陽得朱守殷詐奏稱本道都指

揮使馬彥超等欲謀叛逆輒使殺害尋令宣徽使范延光徑往撫諭自後更無申奏節度使宋敬殷及使臣十餘竝遭陷没至十日探知虜掠近城居人上城閉門顯為拒捍朕親御六軍徑臨孤壘守殷逆黨敵於鄭門百姓望風下城效順守殷一家遂自屠戮尋獲首級已復城池且朱守殷久事本朝繼膺重委洎朕繼承宗社前後累降渥恩統處尹宗薦居節制位兼將相貴極人臣此謂戮力一心贊時為國殊不知潛懷梟性暗畜狠心全無事上之忠遽恣欺天之意遂加誣於都較兼殺戮於近臣驅脅生靈拒張車駕

果貽眾怒誅厥全宗兇狂之釁自招悖逆之辜莫道一方既靜萬國永安凡所聞知當極慶快如有諸色人被朱守殷密行文字妄有扇搖蓋慮奸細黠黷良善朕皆明察不汝疵瑕當各安懷勿為挂慮庚寅帝御玄德殿受賀宣陝府節度使石敬瑭權知汴州事辛卯百官自鄭州到立班稱賀臣欽若等曰後唐莊宗雖稱尊號未至河南其中征伐竝其創業門晉少帝天福九年正月乙亥滄鎮貝鄴馳告契丹前鋒趙延壽趙延昭領兵五萬將及其陵是日發兵六千屯澶淵以待之庚辰以宋州節度使高行周為北

面行營都部署河陽節度使符彥卿為騎軍左排陣使宿州刺史梁進明副之神武統軍皇甫遇為騎軍右排陣使懷州刺史薛懷副之陝府節度使王周為步軍左排陣使泌州刺史劉詞副之羽林統軍潘環為步軍右排陣使麟州刺史尹實副之護聖左右廂主王景王萬敢為騎軍左右將慈州刺史周景殷武衛將軍張鵬監護奉國左右廂主李殷程福贊為步軍左右將閭門使蕭處仁高勳監護前絳州刺史劉在明為先鋒都指揮使衛州刺史石公霸副之坊州刺史陳思護監護又以前單州刺史劉禧為都壕寨

使前階州刺史姚武為都橋道使壬午詔曰朕以恭承先旨尊奉北朝無事不隨有求皆應竭國家之財用務蕃漢之歡和豈調貪殘終墮信義直驅戎虜深犯封疆如是憑陵安能俯就顧師徒之憤惋念生聚之凋傷頃議親征用平醜類蓋救驚搔之患寧辭跋涉之勞取此月十三日躬御六師北征雜虜指期旦夕悉盪氛霾凡爾百寮當體朕意以前邠州節度使李同為東京留守前晉州節度使周密前同州節度使李懷忠為東京巡簡使乙酉帝離京戊子鎮邢雒德四州告攻圍日急辛卯講武於北都甲午以北京

留守劉知遠爲幽州道行營招討使鎮州節度使杜重威副之定州節度使馬全節爲都虞候職員將較委招討使便安署置丙申虜以偏師寇黎陽遣右武衛上將軍張彥澤亳州防禦使李萼坊州刺史陳思讓率勁騎三千拒之辛丑太原奏與契丹偉王戰於秀容斬首三千級生擒五百人獲其虜將一十七奪得偉王金槍鐵甲及旗幡等潰散賊軍入鷓鳴谷已進軍襲之三月丙午先鋒指揮使石公霸遇賊數萬騎於戚城之北爲賊所圍高行周符彥卿在城之東南方息於林下忽聞賊至駭愕督軍而進纔數千騎

衆寡不較行周遣人馳告景延廣請益師延廣遲留俟帝進止旣而行周等爲賊圍之數重三人大譟墮目奮擊賊衆傷死者甚多帝自御親兵援之前軍獲免戊申李守直等軍至馬家渡賊步卒萬人方築壘濬墮以騎軍散列其外舟楫數十猶渡兵未已我師搏之賊騎退走遂攻其城四面樹梯一鼓而上賊衆大敗乘馬赴河溺者數千西岸虜軍數萬鼓譟揚旗以脅我軍及見東岸俘執斬刈大半陷沒水中卽大哭而去是日獲賊馬八百匹執賊將莫城義節樓使崔裕先鋒梁思榮契丹大首領信悉兵馬都監賞尊

王令威吐渾將黨大地羽林使闡令省軍較張興王
佐卿張令霸等魁首七十八人部典節級五百人送
於行在餘衆數千卽時斬之辛亥夏州節度使李彝
殷銀州刺史李彝沼合蕃漢之兵四萬抵麟州濟河
侵契丹之境易州刺史安蕃約戰契丹於北平獲車
馬兵仗賊走保和溝關斷其橋梁而還乙卯梁州刺
史康彥進率兵侵瀛州破荆窠北薛二城己未定州
節度使馬全節率州兵掠秦州破白圍城生擒賊軍
七百人獲牛馬千餘及器械八百滄州奏賊皇城使
李珂領兵三千援送所掠男女三千餘人及貨具等

長蘆而歸尋率輕騎攻其不意斬獲千餘人人口輜
重悉委之而走三月癸酉朔虜主耶律德光領兵十
餘萬來戰是日高行周前軍在戚城之南旣午賊將
趙延壽趙延昭以數萬騎出於王師之西德光以鐵
騎出我師之東接戰交相勝負至晡時德光以勁兵
中央而來帝亦出親軍列後陣二陣俱列東西偃月
際于河涘旗幟鮮盛士馬嚴整德光望之形於懼色
謂左右曰楊光遠言晉朝兵馬半已餓死今日觀之
何其壯耶虜騎往來馳突左折右旋我師植立不動
萬弩齊鼓飛矢蔽地馬行其中多所躡蹶賊軍稍却

王師亡命者告德光曰南軍東面人少汾河城柵不固宐併兵攻之德光乃令千騎爲隊前銳後方攻其東首李守貞薛懷讓以勝兵數千急赴之大戰王師敗時夾馬軍士千餘人在堤間治水寨使人亟召之旗幡之末出於堰埭虜以爲僞遁伏兵所起遂整軍而立良久復戰守貞在戰之後立馬於大塚之端去陣三百餘步不敢寸進俄頃王師又退至塚下李守貞以數百騎短兵直進擊之虜稍退戰場之地人馬死者無算斷箭殘鏃交橫厚數寸既而昏暝賊擊鉦而去夜行三十里乃收合夷傷萃於野次甲戌太原

鎮定咸奏已各離本部刻期於邯戰會合師徒乙亥虜主帳內小較竊德光所乘馬來奔辛巳傅木書收軍北去四月帝還京

開運元年十一月壬申詔曰朕以蕃寇未平邊陲多事選求將帥徵發師徒北面屯軍汾河守禦卽日雖無侵軼亦須廣設隄防朕將親率虎貔躬擐甲冑俟聞南牧卽便北征不須先定日辰別行曉諭所有供億支用宐令三司預自指揮令隨從諸司職員並宐嘗備行諸侯不得朝覲亦不得以進獻供侍借斂吏民凡百臣寮當體是意

二年正月乙丑離京二月丙子次澶州大閱諸軍於
戚城東帝乘馬指揮於軍中丁丑復大閱列左右陣
戎容甚肅帝親乘馬指揮至晚還行宮己卯勅以許
州符彥卿充北面行營馬軍都指揮使統軍潘環充
北面行營步軍都指揮使壬午定州易州各差人奏
契丹攻圍祁州癸未宣差皇甫遇領馬步軍兵士二
十九指揮天威兵士二千一百八十人進發是月契
丹陷祁州刺史沈斌死之三月甲辰都招討使杜威
奏今月八日臣與都監李守貞副招討馬全節安審
琦皇甫遇等部領大將發赴定州易州刺史安審約

奏二月三日夜差壯丁三百人入賊寨斫營戮賊約
千人損馬七百匹又據狼山諸寨稱相繼邀殺蕃軍
不少庚戌杜威大軍攻泰州刺史晉廷謙以州降獲
守城兵士三百八十九人辛亥易州安審約奏狼山
守把孫方簡掩殺得賊頭諧里相公一千餘人奚車
一兩內有諧里妻及奴婢等甲寅杜威收復滿城獲
契丹首領沒刺相公及守城兵士一千九百六十四
人內七百人是新蔚二州兵士並放歸本道其一千
二百人是契丹監送次乙卯收復遂城縣其守城契
丹留六十三人首領餘並處斬丁巳杜威退還泰州

是日契丹前鋒至涿州戊午杜威大軍在秦州契丹前鋒至矣己未大軍離秦州契丹踵其後是夜營於方順河側賊亦相隨立牙帳己未大軍次陽城庚申契丹賊騎如牆而來大軍步卒排斗底陣騎軍鬪二十餘合午後張彥澤皇甫遇符彥卿等選勁騎擊賊遂行千餘里賊渡白溝而去癸亥戰于白圍谷是日契丹主在奚車中及軍敗走車行十餘里追兵既急獲一橐駝乘之而走乙丑杜威大軍自定州班師赴鎮州勅曰睽唯秦郡素乃漢疆偶隸蕃戎久罹塗炭遇王師之選討領臣節以來降况地處要衝人推勇

悍將控臨於黠虜空係屬於雄藩其秦州空割屬定州爲屬郡以狼山寨主孫方簡爲秦州刺史仍簡較尚書右僕射本州守禦都指揮使充定州東西面都巡簡四月丙寅朔北面軍前遣人走馬報前月二十八日殺戮賊軍大敗是月帝還京

漢高祖天福十二年九月御札曰朕自副推崇敢忘寅畏及物必加於恩信任人無間於親疎期區宇之大同俾蒸黎之小泰洎朕始臨梁苑畢會藩侯蓋當再造之期用普維新之命莫不駿奔入覲率俾爭先旌旄之寄咸遷帶礪之盟益固魏博杜重威負釁雖

重在朕舍垢亦深盡捨前非只期後效是以授之真
秩換彼名藩而補胎已成臭氣復作北勾賊虜南拒
朝章若不加誅何以爲法贖我天憲勞我兵威今則
大進梯衝克收壁壘重念一夫作孽百姓何辜雖已
推祝網之仁尚空軫納隍之慮必恐孤城旣拔衆怒
猶深儻驚颺更迅於雷霆卽烈焰寧分於玉石朕所
以軫傷在念想慮尤深將親勞於六師空再詢於順
動豈辭櫛沐須議省巡取今月二十九日車駕起離
闕下暫幸澶魏已來凡百士庶空體朕意

十月戊戌帝至鄴城阮亭駐蹕行府節度使高行周
率羣較奉迎午後帝次御營丙子宣遣高行周督諸
軍分攻城四面是日諸軍將士所傷甚衆宣遣還營
始一目前諸軍入謁行宮奏請攻城帝曰朕本意自
來者止爲魏民久嬰城塹有倒懸之危復以重威執
迷抱恥無出處之計今欲示之以武威來之以大義
恃其恩待必見歸投若使城中億萬之命重遭塗炭
何以表朕弔伐之意也如衆議須意攻迫但益兵張
勢可矣時宰執奏曰兵法云夫有金城湯池內無積
粟雖善戰者不能守况重威城孤兵散勢窮力殫輿
觀請死期在旦夕而已睿意所宣生靈大幸足以彰

陛下有殷湯開網之仁也乙未帝乘馬巡城宣遣諸軍以竹籠橋布列架壕水攻擊至未時還宮丁卯諸軍馬步兵士一千餘人各願充梯頭於行宮見帝面賜慰勉以俟指命壬申杜重威與妻石氏卽石晉宋國長公主也相次遣牙較崔華鄭進齋表獻款乞赴行在甲戌又遣觀察判官王敏賫表赴行宮丁丑重威出降鄴都平

是日除重威守六傳中書令楚國公

周太祖廣順二年正月勅曰兗州節度使慕容彥超不知恩信輒恣兇狂北則勾喚劉崇南則結連淮寇劫掠鄰縣邀截路行差補元隨主持鎮務一向殘害

生聚百般誅斂貨財贍養姦兇圖謀悖亂割剝之苦所不忍聞朕每爲含容欲全終始近據東西諸處申奏慕容彥超偏於管內抽點鄉軍人戶不伏追差逐處殺劫鎮將又懼挾讐屠害悉是逃竄山林言念衆多盡能忠孝嗟我赤子遇此亂臣方當寒凍之時可想艱辛之狀須行弔伐以救孤危今差侍衛步軍都指揮使曹英等統領大軍往彼問罪已指揮告報諸軍入兗州界竝不得下路村舍斫伐桑棗驅虜牛驢毀拆舍屋發掘墳墓如有犯者便行軍令候至城下委曹英散行指揮安撫人戶兼勸諸縣令依舊勾當

公事仍差使臣於兗州四面邊界招喚百姓令著營
養如有惡黨接便爲非者卽就彼處斷其人戶不得
更於堡寨團集仍勒縣鎮官員節級明具朝廷指揮
告報勸課農桑無失春計兼自前有兗州管內人戶
被慕容彥超迫虜誑惑誘引見在州城內者及有元
在兗州充職人等必是逐人各有骨肉房親在城今
官中一切不問宐令州縣倍加安撫勿縱節級所繇
衷私恐嚇若有全家竝在兗州城內者或有莊田店
宅及諸般物產如元有人勾當勒一切仍舊若無人
主張卽委鄰人簡較看守勿信任人妄有占據及毀
拆斫伐候收復城池分付本主一夫作亂萬姓何辜
興言疚懷傷歎無已故茲告諭各令知委曹英等討
之數月未克四月內出御札曰昨以慕容彥超違負
國朝閉據城壘尙稽顯戮未決羣情方屬災蒸正勞
師旅朕恭臨萬國深居九重處宮闕之清虛雖然遂
性念將士之勤苦寧免疚心誓自省巡往申慰撫况
非遠路不至甚勞凡我臣寮當體茲意朕取五月五
日進發離京赴兗州城下慰勞行營將士沿路側近
節度防禦團練使刺史不得離本州府來赴朝覲其
隨駕一行供頓竝取係省錢物準備差侍臣勾當仍

預告報一路州縣竝不得別有排比其隨從臣寮內外諸司官中已有供給州縣亦不得別有破費祇供其要載動用什物車乘亦已指揮備辦如闕少之時候見宣命卽得供應只不得預前排比如衷私有人亦小取索竝不得應副或軍都及諸色人於路途店肆買所須什物先還價錢兩京留司百官只於途中附表起居時熱不用差官至行在沿路所指揮事件車駕廻日亦依此施行以樞密副使鄭仁誨權大內都點簡以中書侍郎同平章事判三司李穀權東京留守兼判開封府侍衛馬軍都指揮郭崇在京都巡

簡庚申帝發京師戊辰至兗州城下乙亥旦藥元福部下兵如羊馬城遣奏帝帝出宮督諸軍繇是鼓譟而進勇奮之勢不可遏帝遣中使至南寨促王峻進軍追城峻部下軍爭登城壘賊衆奔潰官軍遂入直抵牙門慕容彥超親率其黨來抵官軍官軍退却緣城而出會城北大軍已攀堞而入彥超復結隊死戰虎捷都指揮使杜珣東西班都虞候薄令遷死之少頃城南諸軍復入彥超勢窘乃與妻投井而死彥超長子繼勳與徒黨五百餘自東門奔帝遣騎兵追之王峻亦領親騎追及盡殺之生擒繼勳以獻六師大

掠城中死者萬人兗州平
世宗顯德元年三月癸未內出御札曰朕自遘閔凶
再經晦朔山陵已卜日月有期未忘荼蓼之情豈願
干戈之役而河東劉崇幸災樂禍安忍阻兵乘我大
喪犯予邊境勾引蕃寇抽率鄉兵殺害生靈覬覦州
郡朕爲萬姓之父母守先帝之基扃聞此侵凌難以
啓處所宜順天地不容之意從驍雄共憤之心親御
甲兵往寧邊鄙務清患難敢避驅馳凡在衆多當體
茲意朕取此月十一日親率大軍取河陽路親征并
平妖孽永泰寰區應沿路排當竝不得差遣百姓科

配州縣及於人戶處借索劫掠遠近節度刺史竝不
得輒離理所求赴朝觀應諸司各宜應奉公事者卽
仰從駕諸無事者不在扈隨務從省要免至勞煩故
茲札示想宜知悉以樞密使鄭仁誨爲東京留守乙
酉帝御戎服親摠六師出東都壬辰次澤州未晡帝
披甲具戎器觀兵於東北郊距州十五里夜宿於
村舍癸巳前鋒與賊軍相遇甲午賊陳於高平縣南
之高原有賊中來者云劉崇自將騎三萬餘騎嚴陳
以待王師鄉兵不與其數初偵邏者云崇營於八議
關關南距高平四十里契丹聚於長子縣賊將張暉

領三千餘騎爲前鋒帝慮其奔遁促兵以擊之崇東
西列陣頗亦嚴整河陽節度使劉詞帥師在後勢未
相繼羣情私相惴恐惟帝銳氣益振乃命侍衛馬步
都虞候李重進與滑州節度使白重贊將左居陣之
西廂侍衛馬軍都指揮使樊愛能步軍都指揮使何
徽將右居陣之東廂宣徽使向訓鄭州防禦使史彥
超以精騎當其中殿前都指揮使張永德以禁兵衛
蹕帝介馬觀陣兩軍交鋒未幾樊愛能望賊而遁東
廂騎軍潰亂步卒數萬皆解甲投賊呼萬歲數聲帝
覺勢危乃自率親騎臨陣督戰時太祖馳騎於陣前

臣欽若等曰自此以後言太祖先犯其鋒萬旅觀之無

祖者皆皇朝太祖歷試之事

不披靡繇是戰士皆奮命爭先賊軍大敗日暮賊萬
餘阻澗而陣會劉詞領兵至與大軍追之賊軍又潰
臨陣斬賊將張暉及僞樞密使王延嗣諸將分兵追
襲勢若風雨殪尸棄甲填滿山谷初夜王師至高平
降賊軍數千人所棄輜重兵器馳馬及僞乘輿器服
等不可勝紀壬寅以天雄軍節度使衛王符彥卿爲
河東行營一行都部署兼知太原行府事澶州節度
使郭崇副之宣徽南院使向訓爲監護侍衛馬步都
虞候李重進爲行軍馬步都虞候鎮國軍節度使王

彥超爲先鋒都指揮使領步騎二萬進發討賊乃詔河中節度使王彥超陝府節度使韓通自陰地關入與符彥卿會合進軍又以河陽節度使劉詞爲隨駕都督署鄜州節度使白重贊爲副五月甲戌朔帝宿于圍柘谷乙亥次落漠驛丙午至太原城下駐蹕於行宮符彥卿率諸將已下來見庚辰命彥卿郭從義向訓白重贊史彥超等率步騎萬餘赴忻州蓋自忻代歸順之後蕃戎猶在境故命諸將進軍以討之帝復耀兵城下癸未幸城西命諸軍飛礮以擊城乙酉親領六師巡城戊子幸太原城之東引飛礮擊其門

壘而旋庚寅城之四面設洞屋飛礮之具辛卯領親騎迫其東門仍以飛礮擊之壬辰帝巡按四面軍砦癸巳遣李筠張永德以三千騎赴忻州時符彥卿等以契丹在忻北請益兵以驅之故遣筠等往焉六月癸卯朔帝巡賊城親御軍士巳巳遲明帝發自太原夕次於來遠驛是行也大集兵車及徵山東懷孟蒲陝丁夫數萬修洞屋雲梯以攻其城旦夕之間期於必取會大雨時行軍士勞苦又聞忻口之師不捷帝遂決還京之意庚午至自太原

三年正月帝將南征庚子御札曰朕以中原雖靜四

表未寧臨戎罔憚於躬親問罪須勤於節沐今訓齊
驍銳巡幸邊陲用壯軍容永安國步宐取此月內車
駕進發暫幸淮上凡關舊儀有司准式以宣徽南院
使陳州節度使向訓爲權東京留守兼判開封府事
以端明殿學士左散騎嘗侍權知開封府事王朴爲
權東京副留守命曹州節度使韓通權點簡侍衛司
及爲在京內外都巡簡以權判三司張美爲大內都
點簡是日宣侍衛都指揮使歸德節度使李重進領
兵赴晉陽壬寅帝南幸丙辰至壽州城下帝親率六
師圍其城數匝號令之聲振于原野列御營于州西

北淝河之涘以駐蹕焉丁巳徵宋亳陳穎徐宿許蔡
等州丁夫數千萬以備攻城之役又命中使高彥彬
等四人各領兵於壽州四面安撫編戶及禁其俘掠
又命侍衛步軍都指揮使李繼勳領兵於城之南效
順都指揮使唐景恩領兵於城之東各進洞屋雲梯
以攻之壬戌太祖上言敗淮賊萬餘衆於渦口斬僞
兵馬都監四方館使何延錫靜江軍使李鐸等於陣
擒僞壽州節度使劉仁贍姪天忠指揮使崇浦及獲
戰船五十餘隻初吳人遣軍萬餘衆維舟於淮列砦
於塗山之下上命太祖領鐵騎數千以襲太祖將至

賊砦十餘里復其餘軍遣輕騎百餘扣其砦門與之交鋒旣而爲僞遁之勢仍令數騎棄其馬而遁吳人得其馬大喜因詭譟而來離其砦數里太祖奮伏兵以擊之殺獲殆盡死者不可勝紀

二月甲戌徐州遣牙將王崑押泗州牙較王知朗齎江南國主李景書一函來上書云唐皇帝奉書於大周皇帝不答戊寅命鄧州節度使侯章爲攻取賊水砦都部署右驍衛大將軍王環副之四月乙亥帝至濠州駐蹕於其城南巳卯韓令坤上言敗楚州賊將馬在貴等萬餘衆於灣頭堰獲僞連州刺史秦進崇

等是日殿前都指揮使張承德上言敗泗州賊軍千餘人於曲溪堰先是江南旣失揚州乃令隣郡悉發部兵同謀收復至是皆爲我師所敗庚辰詔諭諸道曰朕自渡長淮尋清千里戎輅方期於南下金陵哀告而上章乞駐禁軍稱臣待罪念其危迫未遣攻收不謂忽逞狂謀又屯殘寇韓令坤趙諱等憤其姦詐戮力掃除銳旅纔交賊徒大敗生擒僞將盡奪樓船并于旦夕之間便見澄清之運凡聞克捷諒極懽呼五月自宿宋還京六月李繼勳攻壽州爲賊所敗時李重進駐軍於其城北聞繼勳之敗幾不能守將議

退軍會太祖自六合領兵歸闕路出於壽春因爲駐留旬日重進倚以爲援故其軍復振

四年正月戊申御札曰朕躬臨庶政志靜八方顧淮海之未賓命師徒而致討克捷相繼殺獲甚多料彼孤危安能抵拒然以將士在外攻戰踰年竭力盡忠摧兇破敵念茲辛苦嘗軫憂勞暫議省巡親行慰撫且地理之不遠諒廻復以非遙今取二月內暫幸淮上應自來緣路供頓務從省畧凡有費用竝以官物供備所在不得科配其諸約束條件一如近年巡按之例二月甲戌以樞密副使王朴爲權東京留守兼

判開封府事以內客省使管居潤副焉以三司使張美爲大內都巡簡以待衛都虞候韓通爲京城內外都巡簡乙亥帝衣戎服率步騎數萬繇薰風門出三月巳丑次石碛山瞰山川之形勢是夜大陳師旅繇浮橋濟淮抵壽州之北庚寅旦帝躬擐甲胄擁兵於紫金山南乃命太祖領殿前諸軍擊賊先鋒砦一鼓而破之斬吳寇千餘級餘衆復保山砦攻之未下帝復命太祖領兵伏紫金山攻一砦破之又殺獲賊軍二千餘衆遂斷其來道繇是賊兵首尾不能相救至暮帝分兵守其城砦廻次於下蔡行宮辛卯夜僞監

軍使朱仁裕孫璘等相次各舉其砦來降降其卒萬餘衆帝慮其餘黨沿流東潰遽命步將趙晁率舟師數千沿淮而下是日帝復領兵次於趙步詰旦淮南岸賊之大砦已爲王師所陷殺獲萬餘衆擒賊將僞應援使建州節度使許文顯僞應援都軍使前湖南節度使邊鎬等其餘黨果沿流東下帝遂自趙步領親騎數百循淮之北岸以逐之又命趙晁等諸將縱舟師順流以擊之時太祖於淮南岸追擊賊卒或殺或溺殆將萬數日旣晡帝乘勝馳騎至荆山洪洪距趙步蓋二百餘里沿路又有雒口等砦砦皆迎刃而

下之殺溺之外擒賊軍數千人獲戰艦糧船共數百餘隻稻米七萬餘石鎧甲三萬餘副克捷之速未之有也是夜帝入於鎮淮軍以駐蹕焉甲午詔發近縣丁夫數千城鎮淮軍軍有二城夾淮相對仍命徙下蔡浮橋維於其間甲辰幸壽州城北耀兵而還丙午壽州劉仁贍奉表請降戊辰帝率六師於壽州城北受劉仁贍降詔諭天下曰朕昨者再舉銳師重清淮甸憑玄穹之助順賴將相之協心盡至援軍便臨孤壘劉仁贍智勇俱竭請罪軍門相次遣男奉表輸誠乞全生聚今月十一日大陳兵衆直抵城池劉仁贍

率。在。城。兵。士。一。萬。餘。衆。及。軍。府。將。吏。僧。道。百。姓。等。出。城。納。款。尋。便。撫。安。壽。春。旣。靜。於。煙。塵。江。表。竝。同。於。文。軌。遠。聞。克。捷。當。慰。衷。誠。丙。辰。帝。議。還。京。四。月。至。自。壽。州。東。京。留。司。文。武。百。官。迎。見。於。高。碧。鎮。且。以。勝。捷。稱。賀。上。顧。盼。者。久。之。兵。部。尚。書。張。昭。因。伏。奏。於。馬。前。曰。陛。下。昨。離。京。之。日。臣。等。親。奉。德。音。期。以。兩。月。還。京。今。纔。五。十。餘。日。矣。料。敵。班。師。皆。如。睿。算。臣。等。不。勝。慶。忭。再。拜。呼。萬。歲。上。大。悅。十。月。戊。辰。降。御。札。曰。向。者。以。淮。甸。未。平。王。師。致。討。寔。賴。忠。貞。之。力。繼。成。克。捷。之。功。漸。屬。嚴。凝。念。彼。征。役。况。今。邊。陲。無。事。軍。旅。正。雄。須。議。省。

巡親躬撫問將布混同之化罔辭櫛沐之勞止期一兩月間車駕却還京闕凡在中外當體朕懷今取此月內暫幸淮上應往來沿路供頓務從省畧凡有費用竝以官物供備所在不得科配已巳以樞密使王朴充東京權留守三司使張美充大內都點簡壬申帝離京丁亥至濠州城西設御營以駐蹕焉戊子帝親領兵破賊砦一所殺淮賊數百人砦在濠州東北十八里灘上其灘廣袤數重淮水浸而圍之乃濠上之咽喉先是賊據其地泊舟楫以自固恃其四面水深謂我師必不能濟帝之將行也令悉索行在橐駝

以往臣寮咸不喻其旨及至命甲士數百人跨橐駝以濟癸巳帝親領兵於濠州城下分命諸軍攻破賊城水砦斬獲數百人先是賊以戰船數百泊於城北植木於淮以梗我舟師之路是日辰時帝乘勝命水軍鼓戰棹以往盡拔其木因縱火焚其巨艦四隻戰船七十餘隻斬二千餘級餘衆皆自溺死至午時又命大軍攻破羊馬城殺賊軍五百餘人自此城中膽破矣丙辰夜僞濠州團練使郭廷渭差人賁陳情表來上且言家在江南慮既降之後撥孥戮之禍欲先令人稟命於李景望許令健步南去帝尋降璽書慰

諭亦俞其請辛丑帝聞渙河已東有賊船數百隻聲言來救應濠州乃親領甲兵及發戰棹水陸東下連夜而行時太祖率精騎前導癸卯大破淮賊於洞口斬級五千收降二千餘人獲戰船三百餘隻因鼓行而東所至皆下太祖乘戰船以逐淮寇至暮爲賊船所圍太祖引滿射殺數人淮寇稍却因縱兵以擊之斬其將卒百餘人餘皆棄船自溺死者甚衆因盡焚其舟楫乙巳至泗州城下太祖率兵先攻其南因焚其城門遂乘勝麾軍破其水砦月城是夜帝據月城樓親冒矢石率禁軍以攻其城丙午冬至分命諸軍

急攻泗州是時太祖於城之西北隅構洞屋樹雲梯已傅其城矣一夕摧其城闔我師有登其陴取戰具而迴者城中大懼十二月乙卯泗州守將范再遇以其城降獲降卒三千餘人是日帝御泗州城樓受宰臣以下稱賀戊午帝聞有賊船數百泊於洞口先令輕騎偵之賊乃退保於清口是日平明領親騎發自泗州繇淮之北岸太祖領兵繇淮之南岸夾淮齊進又命諸將率戰棹沿流而下巳未至清口方舟以濟庚申追及淮賊是夜月色如練步騎數萬夾淮舟師沿流且戰且行金鼓之聲聞數十里辛酉至楚州西

北帝乃駐馬指畫諸將一鼓而進破之賊衆數千猶陣於南岸太祖領數十騎馳進擊之卽時大敗因逐至楚州北門斬獲甚衆是時有賊船數隻順流東下帝乃親率驍騎循淮以追之又命太祖領精騎前進行六十餘里太祖擒其首領僞保太軍節度使濠泗楚海都應援使陳承昭以歸數其收穫戰船除燒盪外得三百餘隻降卒除殺溺水得七千餘人自是長淮之中南人之戰棹盡矣壬戌僞濠州團練使郭廷渭乙丑僞雄武軍使崔萬迪皆以城歸順丁丑泰州平是月江南李景遣兵驅虜揚州士庶渡江焚其州

郭而去

五年正月丙戌右龍武將軍王漢璋奏攻下海州乙巳帝親攻楚州丙午拔之斬僞守將張彥卿等二月天長軍使易贇以城歸順戊午帝南巡丁卯駐蹕於廣陵三月壬午朔幸泰州駐蹕於行宮丙戌瓜步鎮羌人押潤州軍將丘亮到行宮且言江南李景欲差使朝貢丁亥帝發自泰州復幸廣陵壬辰幸迎鑾江口命武衛大將軍李繼勳已下帥黑龍船三十隻於江中灘上殺吳寇數百人虜賊船二隻以歸癸巳帝復幸江口命太祖帥戰棹入江以逐賊船軍士乘勝

因直抵南岸焚其營柵至暮而迴丙申江南國主李景遣其臣僞兵部侍郎陳覺奉表來上仍進方物是日帝召覺對於帳殿凡數刻覺奏云臣願自過江取本國表章進納廬舒蘄黃四州之地乞畫江爲界以事陛下哀告之詞悽然可憫帝曰能如是朕復何求若吳王復能舉國內附則亦當待以優禮固不阻他稱朕巳亥李景遣其臣劉承遇奉表以廬舒蘄黃四州來上且乞畫江爲界江北平六年三月丙寅御札曰朕猥以涼德紹此丕圖旣爲萬乘之君安去兆民之患雖晨興夕惕每嘗思於萬

機而紫塞黃河猶未親於經畧秋夏則波濤罔測三冬則邊鄙驚搔將則安國利人豈憚櫛風沐雨今取此月內駕幸滄州已來應沿路排頓竝以官物充餘依舊例以右羽林統軍李繼勳充棹船左廂都部署前澤州刺史劉洪副之以前虢州刺史劉漢遇充棹船右廂都部署客省副使劉贊原副之以宣徽南院使吳廷祚爲權東京留守判開封府事宣徽北院使咎居潤副之以三司使張美爲權大內都部署甲戌帝離京辛卯至滄州是日晝漏未盡帝戎服乘馬率步騎數萬發自滄州直趨虜界中夜駐蹕於野次壬

辰至乾寧軍己未帝大治舟師以備北伐丁酉御龍舟率內六軍鳴鞶鼓棹順流而北艘船戰艦首尾數十里己亥至濁流口自北泝流以進庚子雲旗徠西北而行又徠西南而行皆順河路也壬寅以自關之西河路漸隘水不能勝舟有巨舫數千艘不能進乃捨之其餘小舟卽命步卒挽之以進是時帝亦捨龍舟乘馬登陸按轡而西癸卯帝入于瓦橋關駐蹕於行宮太祖未及解鞍旋聞關西之北有胡騎數千乃領百餘騎往擊之胡兵皆望塵而退五月乙巳朔侍衛使李重進以下諸將相次帥師而至是日僞瀛州

刺史高彥暉上表歸順關南平是行也王師數萬不
亡一矢而虜界城邑皆迎刃而下

